



海鹽縣志

ル 5
3279
11



九 5
3279
卷 11

海鹽縣志卷十八

人物傳五

孝義

晉

李祥海鹽歟城里人也少雄于力知書史每抱憤世嫉邪
之志鄉中有爭鬪悖犯者必折之以義無少依違人咸
敬憚之隆安初孫恩寇海上祥從內史袁山松討賊築
壘滬濱相持久恩驟至山松戰歿祥突白刃收其尸歸
葬時人義之名祥所居里曰教義里

案袁山松圖
經作袁崧誤

梁

海鹽縣志

卷十八

人物傳

孝義

昭和十八年
八月十八日購



陸黯海鹽民太清之亂侯景遣其將宋子仙攻沒吳郡以偽太守蘇單于守之黯舉義有眾數千人乘子仙進兵錢唐夜襲破郡殺單于推鄉人前度支尙書陸襄行郡事黯與襄兄子映公帥眾拒子仙子仙聞之還兵來攻戰于淞江黯不支敗績吳下軍聞之因奔散功竟不成時同義者有陸緝戴文舉等景以鹽人起義破吳因分海鹽胥浦二縣為武原郡不復令屬吳云

以上見圖經

宋

衛公佐字輔之事繼母以孝稱族有不能婚嫁者悉欲助之聚書數千卷禮四方賢士訓子弟時縣未有學捐地

為址熙甯饑疫邑人賴以救療元豐中復饑民皆負稅令滿代者已至轉運使苛留使督連負縲繫盈庭公佐出粟代輸之弟公寬公望並敦行誼

見伊府志

元

陸壽一宋外樞密副使旋吉八世孫明經學著孝經傳二卷隱居梅花莊方道獻薦官之不就从祖居仁卒鬻產以紀其喪年九十餘卒私謚貞毅先生江陰孫作誌其

墓

見吳府志

過宗一蚤喪父獨與母居至正間偽吳略地至海上宗一負母逃與寇遇欲殺之以身蔽母中數創賊舍而去身

為傭以養母母卒六年不克葬寢苫服衰蔬食不變語
輒泣下白燕巢其室東西相向及葬燕不復至

沈嗣昌字壽康元季居豐山之南早喪母事父竭力孝養
父亡構廬墓側匍匐以泣者六年南臺論薦官之不就
嗣昌少時州辟為掾不暇讀書親沒不仕日取五經四
書讀之由是信道愈篤遠識絕人洪武初邑令王文表
其村曰孝隱正德時進祀鄉賢

明

陳寶生字彥廉有才名好作怪體詩兼善繪事交往多一
時名流與雲間黃公望尤契密寶生居硤石東山終身

不至海上以父溺海故也公望來鹽嘗拉之觀濤至東

城忽涕泣不與俱曰陽侯吾父仇也公望哀之為著仇

海賊以記之

以上見圖經。吳中人物志云陳寶生父
思恭商泉州贊於莊氏思恭浮海死莊誓
死不嫁思恭有前娶生子曰寶一在外家莊曰彼所生
與吾所乳皆吾子也遺錢贖之思恭嘗貸友人五千緡
友人至是負官錢繫獄莊曰不可死有所負也傾橐與
之寶一死寶生為育其孤女寶生長好文與搢紳大夫
遊乞言表揚母節嘗築春
草堂奉母於太倉里第

劉鳳字景儀先世學正恂從汴寓海鹽陶涇元末舉家為
賊所戕曾孫用方垂髫身受十八刀不死後生三子長
即鳳也鳳倜儻好奇略明初海甯衛官軍調往沈家門
海洋防倭多遭風溺死鳳建議奏改為陸守有九里三

若之設又夏稅額少納者苦其零星改于秋糧中併輸亦自鳳始以子泰貴贈官見伊府志

陸宗秀字坦菴陸正曾孫永樂初徵召不仕歲饑傾粟麥二千九百石賑濟詔旌其門曰尚義子珪字廷玉嘗代輸一邑之賦景泰時連年饑疫珪與弟獻瑜瑾各散給穀麥凡萬餘斛勅授迪功郎

陸達御史定子永樂時薦授博士性孝友兄弟同居數十年未嘗析箸庭有紫荆一本數幹時人呼其所居里曰

祥里以上見吳府志

虞勳字舜臣先世自杭徙鹽勳才思不羣天順己卯以詩

舉于鄉母喪摧毀致羸不起臨終為詩辭父弟妻子語

不及亂商輅有哭虞舜臣詩云論齒我差長論學子當先胡為抱沉疴長往不復還白壁嗟已缺明珠

竟沉淵仁者遠如此疇能叩清玄勳曾孫鳳鳴二子志高志曾友愛殊

常志高嘉靖庚子舉人兄弟俱早折志曾生紹唐庠生子廷陞有傳

顧莫字子期軀幹偉傑為文甚奇麗父學訓善患瞽疾莫相而事之不離側撫兄孤尤有恩舉嘉靖丁酉鄉試年僅四十六卒子槃字啟碩晚膺歲貢舉順天鄉闈第二亦未第而卒槃內行瀉備孝友尤其天性讀父莫遺書未嘗不流涕欷歔母性嚴急稍不當意必長跽色霽乃

敢起弟築早天厚恤其發以經術儒行推重于時邑人士多出其門兩世天闕不遂令人致疑天道焉

朱朝笏字期正負才有遠志以尚書擅聲痛父佩誥誤矢得一第冀酬終天壬子舉應天鄉試癸丑下第發憤誦習過勞竟以病卒執友王文祿憐其志私謚為孝恭先生

以上見圖經

朱元弼字良叔諸生父用中性嚴正元弼安貧力學事繼母竭力奉養弟不善治生乃賣已宅代償逋自寄友人舍以居所著有士林密約敬道會編禮記通註猶及編學者稱達隱先生

錢與映字淵甫薇子嘉靖甲子舉人通濂洛之學自奉極淡泊獨好義施嘗置田贍族修橋堰便行旅歲戊子大疫延茗醫凌氏施鍼灸全活者眾撫其弟端喚嚴而有恩弟亦恭而退讓世並美之子陞孫潤徵瑞徵另有傳

以上見府志

崔永字彥齡七歲喪父母韓改適同邑桑慎慎為御史坐事謫海南攜韓從軍永流落鄉里既長思母不置遂徒步走海南求之誓不見母不還行次瓊州得焉會慎歿力請歸母所司以配屬無放還例不遣永慟哭回走入京哀請于朝許之復赴海南迎母歸舟遭風永入水負

母得活永竟感寒疾客死江西布政使茹大素葬祭之
郵致其母歸永往返海南無停足者四歲辛苦萬狀海
南人皆稱崔孝子云

胡寬字景灝父繼海爲社學師寬少孤博涉經史亦爲社
學師好說古今事勸迪鄉人鄉人化之時邑城民居稀
授書止寬父子每五鼓開學堂懸一燈高竿諸童子望
之爲候抱書至相傳爲趕早學弟宏字景容事實甚謹
亦授書里中母孀居敬養不衰拮据數年積百金爲母
建坊人稱孝焉

胡棡字敬之澉川人性純孝父本富室以性侈損家日以
所欲責棡棡極甘旨致賓朋奉之雖家事落甚不少衰
後母喪父鰥獨復嗜音以破寂寥而棡益貧不能致乃
自學曲娛父夜與父同寢以腋煖父足如是者又十餘
年父歿鬻所居襄事簞瓢屢空寓于其姻徐氏以死
童輝字景文事父孝養備至嘗赴試入郡途遇鮮鯉買之
冒雨跣足持歸烹奉父食之然後又去父或怒伏地受
杖怒解命之起始起年七十猶戀戀如嬰兒後膺貢遙
授鎮江衛幕

王儀字汝儀自稱古鐵生詩法陶孟字法懷素卽之畫法
吳偉夏景性至孝二親歿廬墓側憔悴之色中心達于

面目見者感歎妻亡不再娶以子託兄無私蓄嘗為君子小人圖題詠于上以警世

鄔質父性侈好客質竭力養志時或貸子錢佐之父好馬即買良馬出必隨馬後以為常子魯事質亦孝質死魯號慟數日不食憂思結瘕疾夢中無夕不見其父醒必涕泣沾枕席焉

顧薇字子芳母李歿刻木肖像事如生母棺在堂鄰火將延及薇伏棺大慟火忽反繼母盛不善視薇薇事之如李卒化為慈

胡彭述字信甫憲仲子幼喪父事母仇極孝每問母父貌

若何遺書籍何在輒失聲慟哭憲仲詩文多散佚徧購之成帙雖斷行隻字裝潢必謹室三楹中奉母身及妻

劉居左夜寢未嘗闔左扉曰吾何忍自隔阿母耶好藏書有好古堂書目自立序

序曰晉張華雅好書籍多至三十乘天下奇秘盡在華所由是稱為博洽君子信乎書之有益于人也子家世為塾師自誠齋府君迄仰匡府君凡四世雖隱顯不同而其雅好均類于華以故藏書幾至萬卷亦云盛矣予不幸強祿失怙乃今讀先世遺書豈不痛哉茲懼卷目煩多易以散逸敬分為四類曰經史子集而貯之好古堂中冀時取一玩之以開此心茅塞期無負祖父相傳之意然而未易能也東坡云象犀珠玉珍怪之物有悅人之耳目而不适于用金石草木絲麻六府有適于用而用之則弊反是者其惟書乎雖不敏將誦此言以終身矣如曰聚書已多必有好學者以為之子孫則吾敢豈

葉春華海甯衛卒也操力作事其母嗜飲食而性暴怒不恆春華每朝出暮必市酒肉歸供母稍弗愜意令別置又復百計賁而進之母叱之跪不命之起雖達旦不敢起或勸之娶曰力不任娶即娶恐不克一心事吾母吾甯以鰥終也縣令何早聞之旌其門

陸良父患癥疾百計求療母蔡寒月病痰思食西瓜良徧走得之痰頓愈後刲股救母復延者三年撫愛其弟甚至有徐覽張煥葉方登並刲股救親縣令皆旌之

潘允濟者國初人邑捍海塘舊雜用土石易崩洪武三年海溢淪田一千九百餘頃允濟走闕下請築塘專用石

上遣宋署丞如法監築邑賴以無患

胡震亨曰按舊海塘志洪武中無淪

田一千九百餘頃之說惟錢公蒞嘉靖庚戌海塘碑中有之父老相傳本縣十五都全淪于海今藍田鋪南望一帶皆其地也但田畝至十九萬似太多誌此俟考

陸平者世居邑之西麓富甲一邑里中盡下之有爭訟就質言出而解洪熙改元歲大歉盡免所貸錢作粥以食餓者正統壬戌景泰乙亥再饑前後入粟五千餘石麥八百斛給賑濟詔旌為義民表其宅宴之光祿授散官歸年九十卒

顧昂字文顯成化中嘗仕為新泰典史昂家澈鎮數上疏請鎮城事皆報可一濬城東南地為河載土築黃家畹

塘捍海一請豁澈所公佔城池軍營田地稅糧一請以城濠空地海上新漲沙地為牧馬場母令鎮軍踐壞民田縱牧一請免所軍運艘減馬軍舊額百匹為六十四免遠漕及孳牧等苦澈人利賴之

仇必達必顯海甯衛右所人與兄武昂季弟必侃同胞相友愛不析爨必顯嘗路遇暴屍勸必達買棺瘞之自此遂施棺及絮襖濟寒又沿塘鑿井五十以濟渴正統七年百戶杜忠率衛卒乘戰艦禦倭沈家門山覆溺依遠島七日不食為出粟五十石募漁筏救之得生者七十

二人以上見圖經

徐灑字汝器父疇病疝甚危操藥以進鬚髮盡白嘉靖中

倭蹂內地挈家避山林中倭騰山而上眾驚悸無措一

倭忽從山麓招呼各掉臂去得免僉謂純孝所致晚居

宋亭里萬厯乙亥海嘯急登山得免嘗取游執中畫觀

妻子夜卜夢寐之言以日勵謂必兩者無愧始見學力

卒年八十贈兵部尚書崇祀郡邑鄉賢子二應登字少

瀛庠生風範高卓邑中治易者多出其門應奎有傳徐族

自宋太宰處仁賜居餘姚曾孫彥明慶元時令嘉禾卜居豐山四傳曰建丑生文秀文貴文秀四傳曰縉鉛山縣訓導縉從弟鷓湖廣兵備副使文貴三傳至灑灑生應登應奎應登子文治德慶州知州應奎子光治光祿寺署丞從治山東巡撫允治鎮江府通判昌治舉人從治子同貞錦衣衛指揮同知昌治子升貞戶部郎中升

貞曾孫德龍玉山知縣煥然翰林院編修貽蕃平越州知州洪武間與建丑同行者曰倫濮州知州倫孫顯遷黃湖顯曾孫梗常州府通判梗子可聘海甯州教諭可聘子孚貞舉人今兩地子孫蕃衍科名不絕為鹽望族

徐應奎字星魯邑庠生孝行聞於鄉黨父癯病隆冬思食瓜泣禱於西疇瓜纍纍卧藁葉下人因別之為孝瓜徐云從遊甚眾諸子皆所身教尤訓以忠孝大義從治殉難萊城應奎哭之已而笑曰真不愧吾子也壽九十一而終封兵部尚書崇祀鄉賢子光治昌治從子文治俱年踰九旬一門耆壽自古所稀以上見續圖經

朱瑋字朝華以茂才入成均內行潔整閑家禮教秩然性好施予嘉靖庚辛後歲比不登傾困粟貸貧者或折券

不取償歲時上墓宗人子有勿率稱大義讓責封鬣間不少恕人以比陳太邱孫學顏嘉靖乙丑進士見圖經

朱文才字尚卿慷慨多智略澈地屢遭旱患文才倡捐修復永安湖闢於六里堰底創設瀛洞鐵門以時啟閉又捨田八十畝築隄蓄水為大窰湖以灌田民賴其利而朱氏獨供湖面賦稅縣治北白芒河波流衝突時壞舟楫商民病之萬厯間邑令蔡逢時延文才及百戶余騰蛟相度形勢乃立大木于中央四面圍以竹棧繼以巨石先納以炭旋覆以土數日間基成名曰羅星臺建文昌閣于上嗣後水勢滌紆舟行無患而文風亦甲禾郡

他若支葺海門寺高閣重建禪悅寺鐘樓皆與騰蛟經
 營之具有巧思松江東鄉向無河道仰長則水深數尺
 退即乾涸素病廢壤太守甯公邀文才至其地為開一
 河河從四圍繞入中央如旋螺然曰潮之來其退甚速
 曲其勢則退遲而後潮續至不竭矣土人為立朱仙人
 祠舉鄉飲大賓卒祀孝義參圖經新纂
 錢裴字懋登琦之少子貢為於潛訓導裴長厚好行義嘗
 去卻妻家寄財收葬門下士何生買妾贈老友程珂生子
 潛有諸生何龍坐獄裴知其冤餽橐餽焉斷獄者聞而
 愧謝立釋之輯所見聞事為厚語行世

劉世維字敬廉坦衷直腸取予不苟膺貢嘗教授湖州有
 生以爭繼挾百金相干輒麾去比歸食貧靡悔
 祖彭年字賢卿邑茂才以子重燁貴贈行人司行人性慷
 慨遇事敢言吐音洪亮聽者無不折服嘗白罷首區坊
 廂名役釀錢歸學師遠櫬著節俠風晚忽夢人書醉字
 授之意甚樂因呼醉翁然竟以酉歲卒協其兆云
 劉傑字季俊幼穎悟讀書工詩通律呂書數與兄達弟泰
 常及從子珪璋璋以文字相師友念族屬散遠為同春
 會以合本宗至今遵守其遺法

劉世坊字敬止烱第二子事親曲盡孝敬以弟子員升南

海鹽縣志 卷十八
國學上舍嘗謂人曰祖宗生我無能展孝思因時出米穀周貧族將易簣又捐米百餘賑之劉本大族自季俊爲同春會至世坊復創行斯舉益廣義施云

沈宏達藻之子性孝友藻病目達以舌舐復明手足多所賙卹異母弟宏鍵生三日藻歿達受父托與妻陸慈護備至育之成立嘗還金折券兩臺郡邑並旌孝義達腰大十圍善弈嗜吟好客真佳公子也

湯承憲字懲子彬之季子博洽多聞自朝家典故及星躔地輿陰陽醫卜眾術無不通曉修軀美髯吐音洪暢能合四座折服事母高甚孝刲股肉療其病親戚故舊急難相投力爲援庇片言解紛不居其德邑均田均役兩舉並上議佐其成爲利久遠子雲次雲章並茂才雲章別有傳

王元佐字伯輔父制性孝母怒長跽乞解壽至九十七元佐廉介自持弟子受業者皆嚴憚之以明經終

鍾曉邑諸生少孤家貧事孀母徐甚孝平生非自食其力勺水不飲于人母歿痛力不能揚其節因病噎以死周至德字岸登庠生性行醇慤事親孝撫兄子有恩析產與己子等嘗拾遺金還主不取友人爭財骨肉間倒橐彌縫之不責償士相從受書甚眾貧不能具束脩未嘗

無誨每自謂生平不作昧心事所自信已赴貢試卒

聞華卿以經義教授諸生父葬豐山構廬于傍奉母及弟

居之母歿讓其居于弟

張天德字自明嘗爲童子師竭脩脯養母訓督幼弟嚴而

有恩古篤行君子也屢推鄉飲不赴

馬應龍字飛卿衛左所官舍性剛方不苟言笑終日坐立

有定處衣褶剝盡而無纖汚非其義雖一介勿予取也

壯而喪偶卽不娶爲童子師者五十餘年人咸欽其楷

範

王衷字本誠能詩善醫卜與張方洲游見其屋破敞曠金

新之峻拒不受鄉人以逋稅懼罪責扣衷祈方洲爲解

勿許已而陰言于方洲方洲憐而解之眾攜鏹幣謝衷

衷辭不獲則受而建橋焉今西門外順甯橋是也子阡

字汝直家貧嗜酒好吟詩有巧思嘗爲救火法及築捍

海塘式又製一輿加牛背乘之曰犢舟人慕其達多從

之游者

以上見圖經

陸源字本深初家貧傭書給養後力耕致萬金富而好義

成化壬辰歲大饑鄰婦相率攜幼穉入厨下遂救厨中

每日多作數十人食以待來者鄰左右數十家竟日不

舉火逋租佃戶入市貿易紀綱奪其布責令還之曰彼

家中枵腹待餐忍奪之耶有持宣公族譜來曰海溢失譜久矣不敢妄冒以賑荒詔賜民爵圖經參伊府志

夏安字世康有義行孫璋割股愈母以孝聞

曹禎仁之五世孫孝弟力田務為長者嘉靖甲寅五月戊

申倭白石墩轉掠大康橋至禎所居與弟祚鳴金集眾

擊之賊褫魄去村里藉以保全禎孫文學名卿以齒德

飲于鄉名卿子憲來別有傳以上見圖經

徐藻字子潔庠生倜儻有大略父縉江西鉛山訓導嘉靖

中遭倭寇被害藻發憤詣闕上書世宗召見大悅勅光

祿賜飯下其書總制胡宗憲俾參軍謀藻集鄉兵誓滅

賊雪父恨得旨名曰忠孝軍累奏績效乍浦沈莊之捷

藻在行間幕府欲上其功謝曰藻為父報仇耳他非所

冀也不受賞歸參圖經新纂

鍾祖保字念之祖述字君明皆貴溪丞夏子祖保性直敢

言少為諸生遇大造條列積弊數端上邑令令以破家

縣令語惕之曰生聞樂只君子民之父母而已令有慚

色博學能詩晚坐卧一樓植竹數千竿十餘年不見客

祖述孝友純篤嘗與祖保共經營割地葬宗人十餘柩

祖述子令聞順治初為武康訓導見續圖經。祖保兄弟葬宗人柩甫畢邑

人王聃夢至一宮有王者羽衛甚嚴樂舞在陛傳呼進

二縱掖王者降階揖之諦視則祖保祖述也王者曰君

兄弟殯宗人一事天曹甚為褒美兄當益算二紀弟錫
一子傳家勉之誦異而述之劉世教紀其事見研寶齋
集

張亨家半路亭嘉靖甲寅夏官兵與倭戰於孟家堰死者
數千人亨斂殘齒盡瘞之又收甲仗數百餘上之官太
守劉公義而旌焉

陳允武邑賦長初里甲田畝不均貧民受病允武力控於
上得行均甲法同事者李綯沈愛溼里人並德之

張中孚幼學舉子業于董穀長學詩于朱朴與人交篤摯
而有情友人鍾思孟死釀金為殮董穀衰落時徒步四
十里問候不已晚年窘惋而歿

何諒以廢著為廉賈誤受人偽銀篋一裹至歲除夕罷市
出之撒水中陰行善壽八十餘卒

夏正字時寅善鑒別古書畫性孝友親歿廬墓事其兄鎮
撫宗如父鄉里稱之子彙字德潤好詩工篆隸尤工于
寫梅

陳馬兒者乍浦軍也嘉靖丙午倭犯金家灣指揮方泰射
中一倭追之墜馬而傷馬兒扶泰上馬與敖鎮護從一
倭刺馬兒不能中一倭刺鎮仆之馬兒救鎮起復有二
倭至同刺馬兒鎗及身馬兒以脇夾其一以足拉去其
一以一人敵四倭戰甚力援絕走至山半自擲下足陷

石窰中被殺泰為文祭而瘞之哭之甚哀時有凌義一林岳並效勇戰死敖後死于矮婆橋之戰

鮑宣鮑惠胡士澄茅堂並以勇力聞亦死于倭嘉靖癸丑四月二日倭船泊演武場海岸衛帥率兵禦之宣手抱一倭與俱死士澄以火藥焚其船亦與酋八大王者俱燼餘倭走矮婆橋堂追之手梟一倭與惠及敖鎮血戰良久伏發咸死惠元喪身挺立若赴敵然鮑惠亦云舒惠時戰死者十八人名姓多失紀

沈鸞者訓導孫肯堂之僕也嘉靖癸丑倭掠邑西郊突入肯堂室執之將加刃焉鸞以身蔽主請代死倭不忍加

害兩舍之以上見圖經

蔣正開字端伯庠生先世芾宋尚書左僕射乾道間因湯思退用事隱居不出自陽羨遷海鹽東北鄉自號隱灘次子文居仙湖里稱仙湖蔣云正開性孝母病禱天割股調湯液病遂痊明季旱蝗頻仍正開蠲粟賑濟所活無算自邑至郡有百家堰年久傾圮行者往往墮溺正開捐貲修築數十丈里中構雀角者每持公論平其爭周人之急或脫人於死力於為善如此平生讀書談道宋儒理學暨諸子百家律歷方技靡不綜貫兩舉鄉飲大賓崇祀鄉賢

董謙字德元方兒時父笞之謙跪受杖折謙捧而泣父爲霽顏迨長晨昏定省曲盡禮節居喪哀感行路所居苦廬旁有木枝生連理家有廢井甘泉湧出孝子每哭則有慈烏無數繞舍啼與舍內聲相應有司上其事得請旌其門宏治中有詔賜天下孝子年六十以上者冠帶謙亦與焉

朱洪字文濟成化戊戌歲貢事母以孝聞歲飢捐粟八百石助賑與張方洲爲詩酒之會最相得著有幽蘭集子二楷廩生素有文名棊國學生博學精繪事築西洲草堂與名流相唱酬年八十餘手不釋卷兩舉鄉飲賓楷

子玘字龍沙附監生種德好施鄉里稱爲長者

葉芳荳字友輿句塍里人萬曆丁巳母顧疾篤刺血禱神祈以身代遂刲股投劑母病遂愈知縣何公綽楔旌之曰孝念篤真

趙士俊字望之號繼雲角里村人萬曆間隨父其孝兩次竅北運白糧初以米虧揭京債繼懲前累多備米官反呵其科斂故浮於數父抗辨觸官怒捶交下士俊時甫束髮急抱父指臂幾折暈絕不放官乃動容稱孝子始得免歸竭力奉養父壽至九十九歲乃卒

吳大良字春菴萬曆間廩貢生生平好行善事除夕有鄰

行竊潛匿轎中天寒發戰有聲大良跡知之屏婢僕給銀米令務生理其人感泣而去壽九十餘卒子建明郡庠生孫二珩庠生璘字玟林亦庠生好義樂善有祖父風順治三年捐米百石賑饑康熙間兩舉鄉飲大賓

朱正學字中甫治尚書疏義多孔程所未發雨中副榜以明經歲薦謝病不仕性至孝事所生所後四親備極愛敬事兄如父撫孤姪以有成置義田百畝以贍族葬其貧不能自厝者以子奉禎貴封福建道御史崇祀鄉賢劉仲鎮字子遠篤孝友父在歿于官悉以父橐讓兄弟產取瘠者母陸與娣徐失歡誓不共廟徐無子而饒應嗣

仲鎮辭曰有先慈之言在拒不受子泓登第自京邸割俸供甘旨立散貧交繼至者無以應脫所寄衣以貽之泓奉使治河迎養宦邸卒以子貴封員外郎

褚明祥字瑞良天啟乙丑母王氏疽發于背明祥號于天剗左髀一瓣羹以進母甘之病起又十年母復病且革瓣右髀和藥母病又霍然起母年七十六以壽終明祥肖二人貌事之終身孺慕

李延嗣年十六母范病篤割股療母萬厯間縣令杜士全太守龔勉並給扁旌其廬

張其昌字會嘉博學謹行髫齡卽能文縣尹何早見而器

海鹽縣志 卷十八 人物傳 孝義 七
之贈金幣以就婚性至孝母年九十有四猶孺慕勿衰
弟妹幼孤盡心撫育重然諾好施予

張源成字集生事母孝與弟源思源長友愛無間年十五
游泮督率兩弟讀書源思成進士源長名振膠庠長姊
適陸氏少寡而貧無子止一女源成昆弟恐增母憂迎
養於室一門孝友化及妯娌鄉黨稱之

張調元字六息天啟辛酉舉人素勵名行居家不事干謁
事繼母孝母怒長跪不敢起承歡終始未嘗稍渝

鄭忠材字孝標刑部履準子孝友過人弟恕材以序承祧
叔履洵忠材曰弟我同產也豈以出繼爲異視父遺產

與恕材復均析焉白首友愛無間言毫而嗜書手不釋
卷贍卹貧交敦睦族黨不墜萬石門風云

鄭端允字思孟天啟丁卯歲貢家傳藏書甚富好學老而
不倦所著有培壘錄諸書胡震亨姚士粦纂修邑志裨
益良多鹽邑志林藝文前編板藏其家厚德好施不言
人過伏謁先世丙舍必布衣以祭曰毋忘前人儉德也
考授幕職不樂就年八十而終子宸孚交孚琦琮皆諸
生琦尤好修交孚子旦復康熙丙午舉人

朱懋增字天虞太學生授鴻臚丞性稟孝友少失恃侍繼
母委曲盡孝嗣失怙撫幼弟友愛嫁二妹資送甚厚樂

善好施三舉賓筵子大鏞字洪甫由邑庠晉南雍秋闈
凡掄魁者再多因對策過激落孫山外孝友有父風六
旬居父喪哀毀骨立依然孺慕同堂有闕牆者涕泣解
之孫濬字渭津閎才嗜學博極羣書他如濬城濠開澱
湖築羅星臺贖難婦皆有贊畫功次潛字文水食餼邑
庠以文名

徐萊字豐巖邑庠生齒德並茂萬厯中知縣杜士全禮爲
鄉賓子行寀字傲樊太學生潛心力學好詩畫世以博
物君子目之

陸廷冠字遇川家本小康樂善好施有求必應家遂中落

崇禎辛未舉鄉飲賓廣東鹽運使張烈卽其孫也

王榜字瑞郊曾祖端本籍河間明正統間爲鹽令入覲卒
于道子孫遂家于鹽榜性慷慨多厚德萬厯九年邑令
蔡公欲核田畝之不均者督丈難其人眾推榜秉公查
弊吏不能上下其手合邑德之

劉鼎銘字叔子先世明高廟時有功食邑爲百戶正統間
自金陵調守海甯衛之澉浦所遂世爲澉人鼎銘生負
奇氣具文武才而性又孤潔父母欲爲之娶謝勿願繙
經奉佛若苦行頭陀暇則爲人陳說忠孝事亶亶不倦
蓋其天性然也明末國事大壞鼎銘念祖宗世受國恩

每聞一邱報見一羽書扼腕撫膺為廢寢食乃擬戰守策數十條欲走京師上陳而明已亡矣鼎銘聞信日夜痛哭狂走志不欲生乙酉八月鼎銘死于城外其弟鼎鍾鼎銓皆與難

沈豫徵字薦只天崇間庠生父歿不忍析箸有姜被風時

適募葺天甯浮圖豫徵慨捐獨修一級以上見續圖經

陸鮮字一拙十二齡補諸生尚俠倭寇犯海鹽傾家召鄉

勇朝夕防禦眾藉以安郡中屢經水患鮮捨地為義塚

斂瘞浮屍郡守梁材高其義勒石紀之見吳府志

徐可上字學山萬歷間庠生性孝友好善父歿哀毀踰常

悉以遺金讓弟晨起望村舍無炊煙者周給之遇有盜

其粟者戒之曰速攜去後勿更為毋使旁人知也鄉里

稱為長者後子姓繁衍咸謂厚德之報新纂

朱廷章字如日鄉賢茂明子刻勵攻苦崇禎丙子舉於鄉

撫弟廷瑞成立入郡庠日以經義訓子於先世鹿洞之

學多所發明甲申聞寇難發憤成疾卒

鄭煒字若谷祖滌父維禎皆諸生並享大年煒端方不苟

取予以一經授諸門人訓子孫必以忠孝廉恥老舉賓

筵子應生為諸生孫宣亮相繼登甲乙科人咸推世德

陸舒字平度少為諸生姿貌瓌偉慕古烈士風客鄖撫蔣允儀幕府值張獻忠躡楚鄖列城多陷檻車徵允儀舒感知已仗劍從諸將力戰破賊列城盡復允儀得未滅坐流戍後撫欲上其功脫身遁歸家益貧意氣激昂中所不可王公不能致善畫蒼潤森秀得叔明大癡筆意

以上見續圖經

徐起字冲漢萬厯間庠生性孤介絕俗事親至孝父洪恩寢疾起割股療之邑宰旌其門曰純孝新纂鍾士傑字俊人家貧勤工奉親父患背疽焚香禱天剝左股以進得痊當時寂無所聞適天暑露體親族驗其實

欲請旌獎苦辭得止

朱匡維字盧峯學問淵博性至孝父患疾謹侍湯藥不避寒暑母沒茹素哀痛晚年落拓不問生產而好行善事所著闡皇極義足發先儒未盡之旨子駿康熙壬子舉人

周紹宗字岐豐世有隱德稟至性讀書能知大義本姓馬姑適周乏嗣撫為子遂周姓焉奉姑如母極其色養姑所居去家里許一夕火灾生母目眚不能出戶紹宗心動馳至排牆負母出得不死及姑病革語曰兒至孝幸勿易我姓終身不敢復姓焉生平敦行誼重然諾乙酉

避兵寄橐者遇盜多乾沒獨紹宗受寄萬金無絲毫失人尤重之

費仕字仰秦天性孝友割股療母疾讓產於叔鸞之代輸罰鍰又嘗三還遺金兩拒奔女絕口不言人服其厚德祀鄉賢子萬程舉人任蘭溪教諭

吳鳳來字鳴岐澈浦人值海寇竊發父為所得鳳來徧訪日夜號泣有告以在金山衛者乃潛身其地候寇盡出負父逃歸為兵所獲疑其通寇下獄鳳來奔救哭訴卒免父難

顧承進字誠靜橫涇人性至孝母王氏患瞽疾臥床不起

承進跪而進食者三年毫無懈容母終之年哀毀骨立

里黨咸稱其孝崇禎間庭表孝子以上見續圖經

徐名佐由吏掾候選州吏日萬厯壬午受事丈田有勤邑

令蔡逢時聞於督冊賜復除戊子大饑捐粟助賑守道

蔡以樂義旌兩舉飲賓見圖經

陶秉敬早歲喪父事母盡孝婚喪不給者多濟助創修橋

梁捨轉塘田為義阡崇禎辛巳災荒兩次捐米五百斛

劉潘兩邑令旌為義士之門子廷桂孝母如其父見續圖經

顧宗俊字士元崇禎中秀監生甲申國變肅衣冠赴儒學

明倫堂自縊死新纂

吳麟世父中倬甲申殉節死麟世每遇忌日必流涕事

母曲盡孝養有澹園詩草一卷 見伊府志

國朝

楊斌字乘六海昌人少孤至性過人事母吳備極孝養乙酉被兵邑人空城避吳老病不能行兵至吳被執將加刃焉斌號呼願身代母獲免讀書博識為文操筆千言立就入鹽庠累入闈不售名益高弟子日進教子雍正必以忠孝大節非其義一介不苟雍正登第筮仕高要促裝偕往每雍正退食必曰刑能無冤否雍正以治政著召拜給事中疏前後數十上多剴切同列危之斌怡

然曰兒能言我所欲言吾無憂矣封吏科左給事中斌意愀然以不逮養父母為恨言及輒泣下康熙十一年

崇祀甯邑鄉賢

盛旦字幾臣世居嘉興新豐鄉父泰交布衣倜儻生七子各授一經旦居長才名魁諸弟弱冠居父喪柴毀骨立奉母沈備極色養友愛諸弟教孤甥徐全卒成名士明末大盜四起旦倡率兄弟宗人為防禦盜至指揮佃丁健兒與格鬪椎沉其舟盜之得脫者無幾相戒不敢犯弟九鼎先雋旦以甲午舉浙榜出譚希閔之門希閔知湖州坐罟累伏法旦經紀其喪送歸里人咸義之授東

陽教諭未赴丁母憂起補蕭山教諭倡修學宮郡邑檄脩邑志以蕭唻二邑志屬旦書未成以勞致病卒旦在蕭山師生相親若家人父子貧者脯脩不責也振乏周急無少靳門人私諡曰文恭先生

鄭應生字仲莊號時可世居錦繡里尙書舊廬弱冠補弟子員孝友篤學敦節操事二人承顏順志伯兄早世奉寡嫂如母撫季弟甚友愛力存先世義田祭米以省墓敦族讀書訓子不屑屑生產泊如也子二長宣次亮聯登甲榜

錢萬實字鶴洲六齡喪父哀慕如成人事母楊盡孝母病

輒顛天請代病旋愈母享大年至九十五尙依依孺慕母喪廬墓側盡哀鄉里重焉明季辛巳壬午連歲大饑萬實罄家貲鬻器物煮粥以賑全活者多一孺子啼于路萬實遇之問焉曰不炊兩日矣母命持布易米今失去母死矣萬實貸米與之友人羅某母死無以殮助之殮陰德甚夥人不盡知也家故貧然延師課子治具必豐腆左右視師所欲必以供里人傳其事後二子之燾紹隆俱成進士享年八十有六受給諫封

費萬程字雲其幼失怙依母以自立博學洽聞甫弱冠入泮名聲籍甚執經受業者踵相接所得館俸悉佐晨昏

母疾篤割股以進得復甦辛卯登賢書壬辰會試中副車初授剡城秉鐸補任澱水甲寅春陞國子博士衡文較課大司成沈荃器重之引年歸里杜門却掃年踰耄蓋神清氣肅過庭不少衰人皆敬而羨之

陸士清字兼山號鱗長年十二補博士弟子貫穿經史博覽羣書最慕武侯學可廣才之訓讀書務求實用間作詩古文出入唐宋大家亦不以文藝自喜也康熙二十年大造糧冊分別民官徭役不均士清首白當事正之懸爲令甲凡邑中利弊關民生者多所建白康熙己酉舉人以父母年高絕意仕進極養志之樂課授生徒多

知名者海昌陳奕禧其一也子中樞中柱中杓有聲庠序孫趙泰江方來俱掇科第

錢綸光字廉江瑞徵子性至孝工文詞家貧藉脩脯以養瑞徵官衢州教授綸光歲一省視著寒江歸棹詩慕思淒惋動人居母憂哀毀骨立嘗栽蓮於總帷前凌霜不萎十月蓮復成房人以爲孝感以子陳羣貴贈如其官張龍楨字雲津庠生性孝友弟歿撫其遺孤歲凶典貸賑饑設粥擔於四郊歿之日以祖墓無祭田族無義田義塚家無塾田爲恨子朝晉克承先志次第遵行

周行字子行立品孤介能詩善書工山水花鳥得宋元人

筆意酒酣頃刻成數紙隨手散去苟有不可權貴人挾重貴以求矐目視之家雖極貧恥向人干澤以此爲吳麟徵所知盤桓京邸見時事孔棘以歸隱微諷不從迨麟徵殉節行與祝淵親爲舍斂經營旅櫬間關南歸人咸服其高誼焉晚年僑居吳門家人屢請歸勿許臨卒告其友曰必葬我要離墓傍

沈黃玉字琰粵崇禎年間庠生鼎革後與彭茗齋昆季結詩文社尤邃於經性孝友舉鄉飲賓卒年九十

陳遇麒字季游昌愍幼子六歲而孤事母至孝力學不倦康熙壬子登鄉薦授錢塘教諭有沈近思貧而少孤靈

隱僧碩揆收育爲徒延師課讀資敏能文尙未披薤出應童子試遂入黌序遇麒一見大竒之曰此楨幹材也會課必冠其曹文譽日起而碩揆已去靈隱住江南之山峰遣其徒誘近思去爲之摩頂且受戒矣遇麒以計脫之因令蓄髮肄業學署且爲之定婚媾己卯庚辰近思聯捷出宰臨穎游歷少宰立朝丰采不愧理學名臣人皆服遇麒之鑒拔不爽云秩滿陞湖郡教授以疾辭歸卒年七十有三所著有西湖偶吟樊圃詩存閩游草子元禮師遵貽美貽穀元禮字儀三府學生事親至孝以德行高鄉里博學淹貫長於詩賦兼工書法試輒前

茅游其門者多知名士年七十卒所著有樊圃集師遵高陵知縣貽穀鹽場大使

陸廷錫字雲來幼入邑庠抱經濟才議築海塘倡修學宮凡地方利弊抗辭不避勞怨居家孝友康熙元年舉鄉賢

蕭啟陞字蓼斯號仁菴嘉邑庠生其先係嘉興縣人娶鹽孝廉朱彤女遂遷于鹽性純孝幼失怙恃懸遺像于堂朝夕焚香瞻拜遇忌辰則思慕悲感終其身如一日也事伯兄肇隆備極友愛有田荆姜被之風與人交恂恂和易有犯無校嘗自言曰傷人之言甚于戈矛非理之

來可以情恕無論親疎遠近一視同仁里黨中咸稱忠厚長者屢困棘闈安貧樂道杜門課子以子士鑑貴贈

文林郎

祝壽祉字介士號辰星英姿傑出讀書勿習章句髫齡應童子試甄拔冠軍補博士弟子員食餼知交皆四方名俊廩俸館脯悉奉二人後罹父喪哀毀骨立事繼母周承歡侍食其匱乏不令母知也以貢授學博候選而終沈中振字孺震由庠生入國子監樂善好施力行不倦屢舉賓筵以子永錫作宰安縣封文林郎曾孫暉登賢書畢國瑞字宸表幼失怙事母至孝奉寡嫂盡禮由成均考

授翰林院孔目令守聞其名造訪時事凡有裨益里黨者必緩頰言之康熙己亥制府檄修澈城條其利弊公私稱便審戶運磚甃輸吏者吏苛索無以應將鬻其女國瑞往白禁之不令民知也初環澈城地民多樹桑邑奉憲府指將悉芟夷備馳道國瑞曰蠶桑民命所關脫有急需馳道旦晚可辦耳奈何無故先絕窮民衣食之源乎邑侯感其言事得寢他如築捍海土塘修學廡捐賑施棺諸利益事皆踴躍爲助周恤親族不收其券有券亦焚之曰毋留後人口實也祠墓在新安者修葺之增置墓田供祠事人咸服其義

鄭端濟字幼泉弱冠游國學有文名析居郡城祠祭必至雖風雨勿憚遠賦性慷慨卓犖不羣值歲祲捐廩以賑給榷埋殮力行無德色

崔文蔚字觀瀾入國雍志在四方兄文榮任武昌府參將寇作殉難文蔚聞變號痛卧病鍵戶謝客撫兄子景瑗如已子涉大江冒兵刃抵三楚扶櫬歸葬

錢懋德字季偉庠生素孝友家故貧而性耿介族人治地得瘞物暮夜橐二千金贈之懋德驚曰君休矣毋以是污我堅却勿受其後年益高爲閩黨祭酒人咸化焉博極羣書談經史亶亶不倦工詩有初盛風格

張乾字元用奇齡長子幼嗜學天性孝友門內無閒言爲人和易謙謹相對不啻飲醇焚券蠲租樂善不倦每于

烏夜村居杜門掃軌焚香讀書曠如也以上見續圖經

鄔日強字天則一字行素性至孝行已漠然無營與兄弟

躬耕養母暇則授兄子及子書發明大旨不事章句之

學屋室止一間兩披客至中間卧起竈室卽在其旁隔

一破壁母妻子女共五六口肅然不聞一語若無人之

室張楊園見聞錄參澈水新志

沈年吳氏僕乙酉兵破澈浦母死於難年終身蔬食言及

輒泣下

朱稷字或賓母錢有賢行疾既久醫不能療稷自刃股肉

以進竟不起弟乘字御六未婚時俗多有乘喪嫁娶者

家欲行之日夕號慟堅不娶乃已

蔡廉母嘗非理撻之廉曰母止待兒伏遂伏地受杖杖已

徐起拜曰母弗怒兒累母受氣

錢福徵字厚菴虔於祀事先期必齋戒沐浴月朔必薦新

諱日必哀墓祠數省視修治有庶妹適嘉興方氏夫死

無依邀之至家守志十有餘年奉養之物無不畢給殯

則爲服期之喪而不降每出必攜良藥遇病者與之鄉

鄰之貧者歲周之其于親戚故舊尤加意焉乙酉後與

叔汝霖同居半邏志行若一遠近稱慕以上見張揚園見聞錄

蔡維祺父文豸爲邑耆民順治年間知縣毛公遴委督修城樓堡寨諸工無不釐舉維祺七歲喪母號慟如成人事繼母金尤敬謹順治十六年七月文豸疾急維祺割右股投劑康熙元年旱災饑民載道維祺家貧勉力施飯三日九年湖郡水災又典質賑濟

葉有聲字向生潑人爲鄉塾師兼業醫性孝母嘗患危疾有聲剖股肉烹而進之及母卒號踊不輟終身蔬食以羸病卒

徐乾貞字長善國學生性至孝父昌治有疾露禱請代遂

瘥季弟蒙貞有出婢子蒙貞疾甚父命以乾貞次子爲弟後乾貞曰弟自有子豈忍利其有乎迎子歸蒙貞乃瞑他如排難解紛施糜掩殮善難悉數以孝友崇祀鄉賢子二儲元拔貢授通判讀書樂道以孝友律身著燮菴詩集賡元太學生考授州同知改選廣西宣化令著聽雨齋詩鈔儲元子始亨字東崖選貢遂安訓導陞縉雲教諭課士有法遇貧生能竭力周之

何澄字滄洲庠生父梯早歿事母盡孝幼弟甫生三月自少友愛家貧力學後稍豐輒分及黨族之貧者七應試不售晚年築舍墓旁講學著書郡縣聞其名三舉鄉飲

壽八十五督學胡公檄府縣崇祀鄉賢子全字原萬庠生應聘修一統志著理學薪傳集

劉維樑字承伯年十二母馬氏疾篤旦夕籲天請代寢食俱廢卒不起號慟幾絕里中稱爲孝子弱冠補弟子員博洽羣書攻苦糲食而事父浚及繼母高必極甘脆遇諸弟友愛奴婢取其老者田廬取其荒者能讓而不居其名

支如璧字玉泉至性孝友分產悉讓于弟撫育族姪之無依者順治十四年捐貲修葺學宮年七十餘卒子永庠生有文譽

吳錫世字來玉庠生世居九都孝友長厚兄無子頗殖生產錫世勸其多置側室廣胤嗣未嘗以己子應承祧利其所有也人或以非禮犯之亦不校德量有過人者韓紹隆字穎溪與况各母生析筋分居父瞽艱于往來獨任甘旨終父身兄老病二子俱亡醫療之無所惜兄病篤傷貧無以殮慰之曰事在弟矣兄何憂目乃瞑葬之父墓側

方翼生字子雲庠生父戡之與母鄭齊眉大耄值兵燹室廬被焚翼生經營甘隴無缺庶母楊氏青年苦節敬禮不怠母歿翼生年已七十嘔血毀瘠不以衰老廢禮以

膏腴產讓庶弟人皆難之壽七十八

王延陞字太蒙半邏人八歲失母事後母盡孝後母亦愛之爲國子生撫愛少弟延堯教之力學成諸生睦族黨卹貧寡人推長者

王紹俊任義好施倡濬東南城河十餘里郡守許公邑令毛公咸給扁旌之

朱堯初字汝欽父純所以運糧歿京邸堯初年幼號慟如成人繼又喪母十二歲贅龍山夏氏讀書過日成誦每念二人哀慕不已慷慨好施有錢姓負租數十斛幾懼法堯初鬻產代賠其仁慈類如此子鑒耑志岐黃之學

精研靈素諸書能起沉疴兼工詩撫其弟錡爲之授室同居二十餘年內外無間

顧名俊字敬南橫山逋翁後裔性耿介樂善好施族里尤爲敦睦子尙卿早年失怙能守父志通元寶慶橋圯捐貲修整

劉祖銘字仲求方伯炆之孫仁孝謙抑事嫡母鄭曲盡其禮伯兄早世奉嫂恪恭撫字兩弟如同產少入國雍三試棘闈未售廢產爲幼弟授室貸金售房獨力舉殯七柩晚年家業荒落艱于舉嗣以姪承祧

何元明至性端慤取與然諾無纖毫失德年甫三旬生子

在襁褓喪妻誓不再娶撫育幼子及長延師訓誨勿倦年逾古稀裹足不至公庭

張直齡字樸全幼失怙恃哀毀中禮侍繼母馬委曲承志名噪甯庠益攻苦力學寒暑勿輟置祭田輯家乘不惜勞費若助婚代葬焚券行之勿倦兩舉賓筵壽六十五而終所著有佩言我娛初錄等編

陸鑒字元朗世居當湖承叔堯俊嗣遂家武原鑒幼英敏髫年補弟子員經史百家靡勿淹貫早失怙恃母顧曲盡孝養及歿哀毀中禮本生父堯化母傅生養死葬獨力任之事二兄極友愛淡泊持躬樂善好施周急濟困

賑饑給楫掩殮力行無倦若修倉橋舟濟拔茅漚功更在人耳目屢舉鄉飲賓勿應卒年七十有四

楊雲致字君玉事親孝敬讓產於長兄幼弟撫兩孤姪如己子皆婚娶成立仲妹適鍾氏者早寡無子迎歸衣食與其及卒含襚槨窆之費力任之好排解患難不避權貴而眸容霽色風度巖然人莫測其涯涘弱冠能文凡制藝詩古文辭靡不伸紙立就兵燹後棄諸生以詩酒自娛性嗜書史手不釋卷綱鑑性理諸帙歲周數遍屢舉鄉飲賓笑曰身將隱焉用文之卒年七十有七

徐宗穉字孝若庠生早年喪母父不再娶晨夕承歡曲盡

孝敬喪葬皆合禮明季庚辰辛巳歲大祲旱蝗斗米三錢力請當事減價平糶躬爲士夫倡不惜傾困賑貸康熙庚戌辛亥歲又荒捐濟亦如之好善樂施不可枚舉兩聘鄉飲大賓

朱元愷字虞叔庠生性孝友結廬于開濟鄉祖墓側朝夕灌培墓木祭祀晨興盥頰敬將俎豆杜足公門樂善好義

黃耀如字淵明父雲梯有至行讓產卹嫠素爲鄉黨所稱殫力教子長煥如郡諸生次耀如少孤能承父志食貧砥行兄亡捐館穀營葬撫其子若己子又撫從兄遺孤

本達成諸生下帷力學從游日眾崇禎乙亥貢入南雍壬午登賢書晚年絕意進取日與二三知己講學賦詩以自娛自號澹逸子卒年七十有八所著有闡理編澹逸齋詩草

許丕顯字文孟布政士奇子倜儻辯博有名諸生間邑有大事眾推爲籌畫慷慨條列莫不傾聽屢舉不遇入國學充貢不受職事親孝敬父喪毀瘠不勝未幾卒子全臨進士昌邑知縣

曹恆直字誠夫生時有鳥數萬飛鳴集于庭逾時乃去識者異之性至孝親喪泣血忌日必閉閤泣慕終身雖年

七十未嘗一受諸子稱觴早嬰患難鍵戶誦讀不少挫
 延名師于竹圃嚴課諸子雖除夕不廢竹圃忽長新籜
 枝長百尺葉黃白相間如龍因號曰瑞筠有妹適許而
 寡挈其孤教之如已子即明經琦也居家嚴整燕處無
 惰容諸子屏息侍不敢妄發一言自甘藜藿而賑貸無
 倦壽八十而終覺觀燕懷辰容皆其子也以上見續圖經

朱士鑽字能菴廩貢生候選訓導素性孝友多隱德歲歉
 煮粥賑飢施棺掩骼修家乘葺宗祠見義必為以能文
 稱

朱許彥字東明事母至孝中年喪偶不娶積館穀為甘旨

供鼎革後足跡不入城市以吟詠自娛鄉人私謚曰孝
 節先生著有閒吟集以上新纂

李珣字仲素世居六都甲第後先雀起珣早歲嗜學聲稱
 籍甚性孝友慷慨好義值歲祲穀貴首發粟賑貸里黨
 效之全活甚眾貧不能葬者葬之鰥寡不獲養者養之
 戚族多賴以舉火者順治初舉鄉飲年八十二卒

平章字天衢鼎革之際道多餓莩章捐貲收斂深埋於山
 麓老鶴銜子望字茂功里有買荒墩開墾見骨殖數十
 埕將棄諸水望為收葬烏龍灣己山歲時祭祀

錢標初字又鶴泮子諸生入國子監一試京闈念母不已

卽引歸盡孝養周卹族黨買田以供舅家墓祭弟禎歿遺腹生男殫心撫育世受尚書能辨析今文古文之別而兼通周官經國理財之方明宣德四年析嘉興縣地立秀水嘉善二縣其時祇依戶籍爲憑不以疆界分畫故三縣之田互嵌民相安者二百餘年萬曆十三年嘉善民忽以糧額不均起訟於是三縣爭許不已江浙賦重相傳明太祖惡張士誠拒守故重斂其民畝稅有輸官七斗餘者標初辨其非謂禍始賈似道經界推排之役當日原有官田民田官田輸租民田輸稅其後知府趙瀛取而均攤之嘉興官田不及二千頃而民田五千

八百餘頃故其賦輕嘉善民田止三千一百餘頃而官田二千七百頃故其賦于三縣中差重由官民田數不均非因嵌田之故著論萬言推衍事始更端詰難悉有原委朱供奉彝尊亟稱之

曹觀字鑒長太學恆直子至性孝友事父母每膳必親視烹調親有疾則終日夜不寢食居喪哀毀三年如一日兄弟之間自相師友怡怡如也與人交久而能敬人有急每周卹之無倦色終年力學四子五經諸註疏皆手纂錄淹貫百家兼精內典每試高等食餼然功名之際澹如也

徐勉庠生復貞季子孝友端醇尤饒幹才入都游上舍書
法詩篇名噪日下

倪學灝字齡元父士謙夙以長厚著聞學灝綽有父風時
以仁恕律已施絮褐捨棺槨遠近稱爲長者

劉祖錫字子福少孤事母項至孝母病嘗割股以進哀籲
當道旌表母節游南雍執經焦弱侯太史之門甚爲所
重有志用世凡朝野典故多所考究謁選光祿寺良醞
署丞遷江右府判甫數月乞養歸依棲丙舍以孺慕終
其身

程原洛字理源父遠任桂平留原洛事其祖曲盡孝謹祖

病衣不解帶者數十日日夜祈禱願以身代割股和藥
以進祖疾得瘳

畢璿字舜元府庠生幼孤家貧事母至孝年二十母病危
篤日侍床席親滌溺器私自割股以奉其母病遂愈又
一年母卒璿哀毀盡禮族黨稱其孝焉

孫漢章住邑西鞞鼓爲業母王氏年七十一矣病痢醫藥
罔效漢章割股煎湯以進次日卽愈壽至八十一而終
漢章亦享壽考

王元仁字靜安性孝友父有六子元仁居長貧俱未娶父
歿元仁勤苦蓄積旋將諸弟俱各婚娶教養成立而元

仁年逾五十不娶後以次弟長子世嵩承祧化及內外長幼和睦閭里皆稱元仁孝友所致云

嚴鉉字履三庠生尋入雍學鉉篤孝友事父母寢食省視必躬母衰邁艱于步履出入扶持弗辭勞瘁一遇親疾輒籲天求代後父母相繼歿哀毀成疾不半載而卒

張晉字錫蕃奇齡季子孝友力學弱冠游庠父歿哀毀幾滅性勇于為善好施不責報有士某以非罪論死力營救之後將幣謝拒勿納所輯有清音閣等集

祝壽仍號松灣居角里堰自幼失怙事母至孝長而好學訓子有方足跡不入城市閭黨中有事即為排解遇婚

喪所不給者不惜垂橐相助生平以詩酒自娛儵然有古君子風年八十而卒

徐士麟字瑞徵為人長厚周濟貧乏好行其德康熙庚申戊辰兩舉賓筵

顧溶字澄之幼孤力學游庠食餼學術醇正品行端方舉賓筵

朱用堪號崑嶺佃儻有大志樂施予每倡義醵金以濟貧宗之不克婚葬者晚棄諸生詩酒自娛以老子玉鉉仁厚退讓里黨稱其君子舉賓筵謝不就

朱爾鄴字子長泰禎子純孝篤行髫年詠泮舉明經當泰

禎按滇留家侍大父母備極色養捐祭田建祠墓葺梁
施構善舉甚多歲乙巳舉賓筵生平曾入水不濡者三
厚德之徵也所著有曲臺約旨葦讀齋初問子與蘭髻
年入泮力學好文兼精翰墨有詩文集仕州司馬

朱景肅字子于爾鄰弟選貢生孝友豪邁尚義好施以臬
司佟公薦徵授常山學諭不數月歸里築圃郊西顏曰
喻園日以著述自娛不問戶外事而當事愈重景肅邑
大利病必諮之康熙庚戌吳江苕水饑乞食來鹽者數
千人景肅倡捐粟百餘石商之邑令集饑民歟城鎮各
給米善遣之後鄰邑咸被流民盜劫鹽獨無恙人稱景

肅先見云子七人皆庠生長子毓牲自有傳三才猶龍
尤謹敕惜早卒猶龍子冲邑庠生事寡母祝氏盡孝五
十年

黃廷贊字右丞少孤家貧嘗賣藥奉母母張氏年二十七
守節廷贊事之惟謹凡盥櫛匕箸以及廁踰必身自供
澣無旦夕離側也母年九十餘廷贊亦老且白首出入
起居廷贊必左右扶持每呼之即至笑樂如嬰兒人無
識不識皆稱黃孝子

朱敷錫字皇敷幼孤事母葛承顏順志雁行七人尤敦友
愛涪志力學博綜今古為文卓犖不屑屑時蹊舉賓筵

壽八十六而終

楊與基字泰生少入國學賦性端嚴負笈問字者皆名俊家貧而樂善好施歲蝗煮粥救饑捐資掩骼涉黃河狂風幾覆舟空中聞神語而浪平

朱綺字維乾少補弟子員孝友端慤嚴氣正性取與不苟文行兼優搢紳子弟矜式居多年八十舉鄉飲賓固辭不赴以上見續圖經

查大焜字伯符事父母孝性抗直遇有不平身為排解與交無城府窮疾無告者多方周卹之見浙江通志

崔玉潔字在郊孝子永之裔父歿事母盡孝創宗祠置祭

田撫兄弟遺孤咸使成立見吳府志

王汝諧諸生以役事與里書張某熟張女殊色已許字張借官僕銀以女為抵僕利其色不往索逾三年計子母應若干金張不能償欲奪女為妾汝諧適過其門見張夫婦相持哭詢其故汝諧計子母悉代為償見伊府志

張涵如字海生晚號名凡老人幼嗜學博洽古今髫年入學試必前茅稟至性居喪哀毀骨立撫弟妹篤友愛讓腴田于弟鬻已產以嫁妹重然諾敦意氣內翰吳甫及孝廉陳侗初輩皆後先北面事之舉飲賓年八十有一子庠生允升字逸麟名振士林尤長于詩有茶園詩稿

楊與圻字五生髫年母徐危病顛天請代既歿哀痛不欲
生事父秉焯溫清甘旨數十載如一日天資穎異四庫
七略無不淹博好以重價收藏圖書法物補博士弟子
屢受知于學使者善詩賦箋啟邑中士大夫慶弔諸文
多出其手遇人急難傾囊拯濟勿少吝歲祿有欲遷棺
槨以鬻地者償其值而存之子金鉉立身脩潔壽臻大
耄亦以齒德重于鄉

楊殿銓字簡臣靜默好學弱冠入學殫究經史寒暑勿輟
謙牧自持甲午中副車事親怡顏承順鄉里推美所著
有四書彙解

楊清字旣陶天性孝友甫離襁褓母吳見背事後母朱曲
盡禮儀愛二弟如同產髫年失怙哀毀過于成人力學
勿怠服闋赴童子試卽補弟子員學使者谷應泰舉德
行稱曰門內無閒言公庭能杜跡洵推貞養君子

李春蕃號養冲稟性醇厚居家禮義自持與人交馴雅謙
牧蒔花看書宛若五柳三徑之間俯視世故託懸壺濟
世順治初舉賓筵戊午科舉人琬其孫也

李開祺字淵始世籍蘭谿耕讀傳家祺幼而穎異博搜經
史髫年入學執經者皆知名之士營王父窀穸奔走不
避艱險資用惟館穀不涉昆季撫兄孤女養育粧奩無

異所出子姪貧乏曲爲周急代友償逋數百金生計蕭然晏如也子琬以尙書中戊午鄉薦

黃觀祖字冲寰孝友篤行隱德自腴築萬竹樓于管葛山間陶情琴酒杜足不入城市惟課子若孫讀書以克家順治年間舉賓筵年八十六而終童松門私謚爲安白先生

龐肇元字聖初孝友著于鄉黨言莊行端扶貧濟困年老猶力行不倦承祧季父生養死葬不減本生同堂昆仲因以敦好舉鄉介賓

王萬程字邇原幼罹父喪哀毀合禮奉母方備極孝養待

弟克盡友愛越歲仲氏亡遺孤三人撫育如已出鬻產均析尤人所難舉賓筵

周應登號鏡園中州籍南渡後遷鹽遂家焉事父母克盡孝道誠子孫毋踰禮義蒔花灌竹蕭然物外惟以周困利濟爲念舉飲賓

許紹宗字海岳事父其昌極孝養撫弟紹魁友愛篤至而紹魁之事兄亦猶父也好善樂施力行勿倦舉飲賓

顧友忠字會海連翁後裔孝友勤儉起家服先業延師課子志期遠大周急濟困樂善不倦辛亥舉鄉賓堅辭不赴甲寅春年七十邑令張素仁敦請再四始勉應焉

俞玉聰號國華事親至孝溷跡市廛謙牧恬退樂善好施
宗黨咸稱其長厚舉飲賓

錢志高字洪溪髫年值父疾危篤所以身代刲股進奉母
老弟幼竭蹶殯葬里黨咸稱孝友越歲又罹叔喪志高
承祧房產讓弟不受分毫饑荒出米賑救不取官價捐
資建橋梁族眾獨任墓田糧稅舉飲賓

龐道統字太楨孝友忠信早年失怙奉母盡職好善樂道
順治年飲賓年將大耋而終

顧鵬字南溟樸誠愿慈族黨推重義方立教書香相繼邑
令式廬登進賓筵

郁瑞玉號承天生而樸茂隱德自映周困急助嫁娶而無
德色值祲仗義倡賑傾困勿吝舉賓筵

張延齡字睿徵秉志高騫不尚華靡弱冠游庠閉戶攻苦
遇佳辰品花飲酒親友族黨或有不足者曲為周急家
號素封後緣慷慨尚義漸致荒落舉賓筵

崔天貺字白芝性孝友善事其父兄析箸時父憐其幼欲
微厚之天貺固請均分無失兄歡傷親心偶市其產得
數少遂焚故券不欲留此啟覺遠近咸推其隱德高風
徐有麟孝友忠厚尤好施濟崇禎間旱荒捨米賑貧順治
七年歲又大饑買米散給舉鄉飲賓

周幾字逸如太學生與弟文學諫采字仁如共敦友愛不分爨好讀書樂施予每延醫設局濟人病遇屍無歸厝者予以地因此家益貧卽廣授生徒講學于郡城有供束脩者不入私橐隨卽散給糞獨郡守王師夔聞而高之與交最善詣鹽時信宿其家顏其堂曰最樂兄弟皆爲飲賓鄉黨共矜式焉

戴仲禮字十洲國學生父余荃仁和增生游學福建卒于副使署中時仲禮方總角同兄孟禮匍匐奔喪扶柩歸葬于太子廟前比長篤學勵行兼精岐黃術舉鄉飲賓年八十五而卒

俞士聰字國璋誠樸自矢訾笑不苟好施捨親朋有貧乏者輒解橐周之無吝色人推厚德舉鄉飲賓

高必耀字昇如秉性仁厚杜門自守惟以讀書課子爲務舉鄉飲賓

黃廷祿字爾玉樸學好古不求聞達敦孝友重信義樂施予舉飲賓

沈德濤字觀止庠生篤志好學搜覽百家敦行孝弟持節端方鄉飲賓

李鼎新字斯璜長厚喜讀書寄籍甯庠端方孝友遇親友不足者靡不周濟舉鄉飲賓

李國泰字凝之少不事生產所遺負郭田百畝悉分給諸弟與人交不設城府同里陸子國童百旃尤稱莫逆人目爲歲寒三友嘗因事抵郡聞哭聲甚哀問之知家累官事夫婦將分鏡慨然出囊中金贈之舉鄉飲賓
李鳳儀字岐來積善於鄉非公事未嘗入城府里有爭訟得其言無不立解者

沈鳳翹字瑞華稟資端重性孝友弟鳳翥早夭留遺腹子鳳翹撫之如子兄鳳翹早亡姪年俱幼鳳翹以養以教使之成立舉鄉飲賓

陸三謙字環溪爲人謹厚慷慨好施人有相質以事悉勸

其和協教子孫以耕讀爲本舉鄉飲賓

王昌熺字虬焰庠生賦性仁慈克盡孝友自幼篤志讀書閉門自愛鄉里有貧乏者不惜解橐周濟舉鄉飲賓

李維京字湘雯庠生性孝謹讀書教授真摯坦易人樂從之有以非禮于者輒勿校邑令莫煥徵爲鄉飲賓年七十餘時子肇臨孫嗣忠前後皆舉於鄉猶赴省試白首窮經志不少衰

姚光祚字鄰城孝友足式齒德兼優舉鄉飲壽九十四歲何大賢字明祥家僅中人產而性仁惠有貧鬻身于人者遇主母嚴酷離異其夫婦慨爲捐金贖身完聚康熙四

十三年旱荒明祥年逾七十力率子弟并捐金雇工濬

通溝渠知縣尹之達舉為鄉飲賓以上見續圖經

葛叟農人也性誠實鄰居歛商囊千金歸雇叟操舟囑令

善藏之路遇流兵攫其餘金驅商登岸而使叟駛至吳

門旋得脫歸藏金竟無所失悉以還商商感極酬以金

不受時人義之徐滄浮為作表義行詩新纂。詩曰吾

東村陌人微事不著莫或為表白那合當吾世采風闕

謠什雖乏記事才豈敢惜餘墨東村曰葛叟家貧作佃

客耕田半輸租妻子食餘力維時有歛商羈旅事鹽策

與叟切鄰比頗知叟誠實雇令操扁舟邸肆取鹽值歸

裝載千金道遠虞叟測傾囊持付叟囑使善藏匿腰纏

五百金刺舟被發祿半置土銼傍其外裹柴棘便宜密

厝貯不復告商悉中途遇流兵挽船見拘迫商起前致

詞肆暴恣榜擲探囊攫餘金驅商上道側叱叟速舉權

鵠首復向北叟默竟無言一一順指畫更向叟索錢叟

笑指縕裳顧見甚藍縷遂不疑懷璧舟行次吳門僥倖

蒙見釋倉忙遡歸途已復越晨夕商時候禾城拊心但

踊躡自分千金貴瞥然投虎噬眼穿見歸舟急遽問鏹

鎰叟脫懷中金歡呼動顏色竊幸僅失半猶得資貨殖

到家勞酒脯德叟意無極醉飽將謝歸謬請竈下櫟應

聲許持去微哉何齒及叟前徐解薪出金復五百商見

復驚駭喜劇繼以泣平生汗血餘悉從叟得奉金為

叟壽叟顧笑啞啞舍多而取少我計毋乃失又手向商

前計日受工食飄然荷笠還傍人皆歎息吁嗟世教墮

名義不復識豺狼蒙衣冠詩書出盜賊誰謂草野中向

留聖賢脈洙泗戒無欺鄒嶧講良赤彼叟曾何知千金

俞嗣榮字位思諸生壯年喪耦不娶置義田以贍族著有

自鏡錄見伊府志

錢鴻字羽可陞子築室宋湖好行其德鄉人私謚貞毅著

撫松居集

見兩浙
輶軒集

張國正字南州少孤貧力學不求聞達性至孝以不得事親故茹素終身途中拾遺金二十兩徘徊不去俟其人悉與之無德色舉鄉飲賓

顏敬雲為人樂善好施康熙乙亥舉鄉飲賓孫雒字允諧孝友好善有乃祖風

楊廷錦字爾嘉庠生孝友性成樂善不倦舉鄉飲賓子潮初庠生入監考授州司馬纂修一統志告成議敘任芳府庠生好學不倦

彭鴻生字漸磐庠生自幼力學屢困棘闈志益勵讀書晝

夜不輟事父兄克盡孝友舉鄉飲晚年喜丹青工小楷求無不應壽八十有四族黨私謚為孝恭先生子二孫珏孫璜俱庠生有名譽

趙志德字心如生有至性晨夕不忍離父母左右年十六父疾危甚醫藥罔效志德默禱神前割雙肱以進病即愈人咸謂孝所感云

趙廷玖字乾菴志德子年十三父亡顛仆號慟僅存殘喘母徐氏苦節勤勞成疾廷玖時從諸兄學歎曰與其勤學以顯親之名何如輟讀以代母之勞于是母所欲為之事先意承之靡所不至母病目不交睫及歿喪葬竭

誠歲時祭祀輒嗚咽彌日孺慕蓋終身焉

朱袞字砥中髫年失怙勵志力學弱冠游庠以纂脩明啟
楨實錄充貢母疾露禱請代居喪哀毀骨立祖父母未
就窆夙力任營葬不煩伯叔助增置祭田以敦族誼歲
乙卯難民載道兩臺下合助賑首出資以應己未秋旱
復捐穀以賑飢民年逾花甲而終崇祀鄉賢

楊荃字卓伊居父母喪盡哀盡禮事其兄兆蘭如事父無
鉅細必諮問而後敢行卒年八十三當年十七時父鼎
有篤疾朝夕禱求以身代父鼎沉暈忽甦曰吾生矣神
念汝禱求篤命我他日與爾同年死迨後父年八十三

而終荃哀毀骨立而卒無恙人以爲不驗及荃卒之齒
正同鄉黨稱其孝感嘗慕尤展成太史作論語詩童百
旃作孟子詩三十首荃亦作學庸詩如其數沉酣理窟
與尤童所作並傳焉

郭介字蓉臯父早沒事母盡孝及母病篤割股和藥以進
方開基字德肇歙人也年十三隨父商于浙聞母病倉皇
急歸母病亟侍奉不少懈母死寢苦茹素廬墓三年復
商于浙遂家于澈川後病篤子震旭割股以療又十二
年而沒父子並稱純孝云

許雄字熊飛祖九錫父士宏均有聲黌序雄自幼卽樂觀

海鹽縣志 卷一 人物傳 孝義
書史壯而以父年高遂無志于進取母疾顛天求代承
歡色養不離跬步親歿喪葬盡禮廬居墓旁更篤於追
遠構祖祠捐祀產定祭制修宗譜皆不辭心力而爲之
晚年手輯蒙養正要垂示後學雍正時祀孝弟祠長子
麟別有傳次子連城亦能善廣父志以妻嚴氏奩產捐
爲遠祖祭田并營建旌孝坊于祖宅不愧孝友家風
許麟字悅仁雄長子孺慕性成幼年隨父赴試父爲耿逆
逃兵所虜麟牽衣號泣汎兵聞而救之父患瘧痢侍奉
湯藥躬自洗滌又嘗割股以療母病康熙癸酉歲祲隨
父掃墓傍有義塚父見遺殮纍纍慘然心動麟卽貸錢

瘞埋後父母壽終喪葬畢時往墓省視創議修葺祖祠
治家有法處世寬和嘗曰牆薄則易圯繒薄則易裂器
薄則易毀酒薄則易酸未有薄而可久者沈敏齋爲南
皮令延爲西席偶在署出游見投井窮民救之并贈以
金南歸時有數人跪于輿前詢之則曰余姓劉蒙公救
命賞銀今得溫飽特率妻孥叩謝公德耳族伯母劉氏
未婚而孀苦節幾湮力爲請旌所著學庸解及錄生集
并梓喪宜五禁及雜誠以箴世

吳時敏字昆怡性至孝父嗣榮先逝母郁氏病篤醫藥罔
效敏午夜顛天告代割股煎湯以進得瘳踰年又疾敏

復刲股幾絕人莫有知者母卒哀毀骨立居喪盡誠越十餘載往子壻朱聖基家暑天沐浴見其兩臂肉缺有刀傷痕詢之始知其純孝焉

徐岷字陟菴庠生賦性冲和事雙慈以孝待同族以仁晚年好道優游泉石間以壽終

王尙志字巽公髫齡疊遭族難垂死者再家業零散顛沛之後與兄德明課讀不輟並入學宮事母祝盡色養撫孤姪女如己出捐已資創建統宗祠擴充祭產不辭勞瘁至于親族困頓無不周卹少子溥字瞻源康熙丁巳歲貢官江山訓導孫之枚由例貢授莊浪衛同知

沈德臨字湘瀾國學生性至孝母有疾百藥罔效刲股投劑遂愈越三載母又病篤復刲股投劑鄉黨共稱其純孝子曾樟號裕菴事祖母及父母靡不先意順志父有疾晝夜侍奉及篤露禱請代父歿之後積勞成疾亡

朱澐字价維邑諸生至性過人幼聞祖父言甲申死事諸臣事忽墮淚失聲人以此奇之及長孝友端方推誠待人獎掖後進無倦色或非意相加絕勿校濟貧乏急患難於族黨皆休戚同體念兩從父貧分所業以贍之爲文根柢經史尤邃心程朱子書所著有性理管見小學便蒙若干卷

吳德侯字漢倫國學生自幼喪父節母富氏撫成漢倫敬
遵母訓閉戶潛修日供子職至老不倦母壽至九十有
三閭里稱羨

張玉謨字在昌府庠生秉性孝友積學敦品尤樂善好施
凡婚喪不能舉者垂橐資助略無吝色子宗鎬字洪疇
由成均考授州同知生平克敦孝弟嗜學能詩文素性
端筋足不履市片牘不及于官爲士林望

張學賢字漢侯性至孝嘗禱神願減己算療親病果瘳人
咸以爲孝感康熙六十年學使馬豫給行孚飲御額旌
之子穹選別有傳

王維綱字振菴庠生性孝友父會字蓋思游庠早逝易簪
時以父老不能逮養爲恨維綱能承父志事祖鶴齡與
母以孝聞撫弟養寡妹人無間言

徐鳳鳴字丹山父早世家貧母再嫁餘姚鳳鳴稍長渡江
尋母值母又寡遂迎歸奉養十餘年卒

徐硯榮週歲喪父事母能養志弱冠娶婦生一子而婦亡
從叔東銘知其貧願助繼娶資辭曰娶婦倘不賢恐不
能善事母且已幸有兒鰥無害也

蔣瑗字蓮菴宋尚書僕射芾之後世居蔣家灘邑庠生居
家孝友善成就後學非公事不入城市有古人風

朱王泰字寅瞻庠生性孝友兄弟析爨兩世未葬獨割已
產葬之授幼弟室敦行力學雖負才不偶恬如也子二

履亨歷任直隸湖北巡檢光亨乾隆戊午舉人

嚴懋才字允成明指揮德裔也

劉泰撰嚴德傳略云德字維新全椒人父福一性淳

厚有隱行德與弟嗣並以俠烈自尚好擊劍騎射從高
皇渡江始征進黃橋下安慶破江西克蘇州泰州山東
由龍驤衛左所千戶陞海甯衛指揮僉事肅理軍政浙
右倚重後從朱亮祖下台州力戰而死洪武二年六月
贈驃騎上將軍都督府副使上護軍天水郡公長子敬
襲陞廣西桂林衛指揮次子敏賢鹽之李氏世居呂塚
嚴家堰弟嗣濟陽衛千戶嗣子政後亦陞授海甯衛指
揮僉事按劉泰卒于天順初年撰傳宜可信今考明史
洪武元年始定天下衛所之制滅吳及朱亮祖
下台州俱前一年事安得遽有海甯衛存疑
室雍睦五世同居人方之張公藝家云

陳武毅字憫兮諸生秉性孝友遇善事慷慨好施待親族

鄰里尤厚兩堂兄夫妻早逝各遺孤兒撫如己出及成

立後營室屋旁復以己地廓基絕無德色外祖沈墓荒

蕪不治捐金代置祭產并數世先塋祭掃賴以不廢鄰

里中婚喪無力者請之必周歲辛丑邑旱里人有不舉

火者出粟賑濟壬寅天甯寺設廠煮粥更以百金助賑

邑令彙詳請旌力辭乃止人以是高之

沈讓徵字蓀只少聰慧絕倫年十四為諸生事親盡孝兄

弟敦睦終身無閒言歲凶鬻田賑饑貴糴賤糶之蠲租

免逋家是以日落再舉郡邑鄉飲當道給額旌獎年七

十考終

朱來沐字博庵刑部郎中國華從子能詩文爲諸生慷慨
敢言康熙初年平湖縣丞吳震龍署縣事重徵十八年
已完錢糧來沐倡義與糧里李言張晃等訟之巡道上
官鑑羣蠹俱遠遁來沐再控部院趙廷臣檄行本道委
新令王守唐開局磨對晃言等畏忌不出來沐挺身與
郡胥晝夜較算七十餘日頭鬚俱白算出重徵一千二
百餘兩以勞病卒語其子殿颺必竟此事以伸我志其
子哭訴巡道官吏並解省部院審實重徵銀八百二十
二兩零重懲奸吏以重徵者准明歲之額里人感之

馮文洪字守田孝親敦族樂善好施屏跡不入城市邑令
雷騰龍式廬造請表其宅曰天爵自高禮之賓筵教子
及孫咸敦退讓諸孫有聲庠序壽躋八十有五

劉維棟字伯隆參政泓子十六爲諸生沉潛讀書不事游
謁事親孝謹居喪毀瘠鼎革時散家廩數百石饑卒遂
無譁捐金贖民間婦豎之被掠者數人棘闈已被薦限
于格不錄因棄諸生入國學邑有利弊有司咸諮條畫
浙東饑捐米二百石爲倡疾卒薦紳私謚曰貞惠先生
劉氏故有祭田被私鬻幾半維棟先捐已田與弟棕士
標共營之得田百餘畝同春堂圯兄維新與維棟子光

夏庀材一新之皆維棟遺意也

賀偉觀字毅如萬祚猶子性孝友剛直事嫂如母撫姪如子凡遇地方利弊不憚慷慨直陳辛丑年編審里役條列十二首議均田均丁邑中利賴康熙元年 欽使巡

歷沿海偉觀獨詳畫疆界鹽邑得免播遷卒之日少宰

彭孫適私諡之曰貞惠先生

案順治十八年遷福建沿海三十里居民於內地

欽使至海鹽當亦議遷耳

韓僑字罔卿紹隆子為諸生抗直敢言明于當世之務遇地方利弊立論必中機要家廟進主以伯父母兄嫂配祀祖禰禮緣義起尤盛德事也子銓有文譽

俞京相字君調至性孝友後緣弟破家賑卹彌厚康熙丙午年間三澗寨塘圯率先捐資督子允諧允迪採石築修羣頌其德至于重修邑厲壇繕橋築堰隆師敦友有古人樂善之風

李商玉居澈浦篤行純孝痛父母俱死于兵疏布終身屏跡訓蒙兼習星家者言刻苦積金以營邱壠更思積善以報親恩捐修澈城街衢以便行者里人名之曰報恩街年至八十有八猶殫力經營孺慕之悲時形于面同里吳士旦為之歌以紀其事

陳廷倫字維翰給諫所學元孫早失怙事母極孝母患疾

甚篤醫藥勿效廷倫禱天割股幾見骨潛自奉母疾乃痊是日室中赤光燭天鄰人望見驚爲火焚咸趨救及入其室但見血流滿地蓋純孝格天所致後母享年七十餘而卒廷倫亦于母歿後哀毀骨立而亡

潘世龍字英來府庠生四歲失怙母劉氏年二十二守節撫孤家貧未及請旌常思博一第以揚母節屢試不售遂賣志以歿居鄉恂謹不與外事然事關戚黨毅然必爲有姑嫁沈氏守節五十三年而卒沈親房孤姪有攘產絕祀者力控當事得延血食又其外舅張壯行者儒也無後有姪不能奉事世龍迎養于家病歿有遺產悉

還其姪壯行又有祖墳在太尉廟之東其姪將拆墳賣地詢之以墳糧無辦告世龍自任辦糧乃止平生喜吟詠有詩集

王坤厚字鶴汀澉人庠生績學工詩所著有蚓吟詩集出脩資盡收族中之遺骸無主者葬之閤老山側其生平敦行類如此

郁檐字華元家貧苦志舌耕養母里中爭鬪力爲排解有吳姓欠糧追呼甚迫將女覓售無主檐取館金代納女得免售

徐敬字臨莊宋元祐山陽徐積十三世孫贅于海鹽高居

隴里更名和協汶欲同居之和協也曾孫徐松字世懋
太學生爲人慷慨正直樂善好施世稱義士而和協汶
徐氏之名遂振

殷紹遠字義菴輕財尚義凡鄉黨中有遭厄難以及貧乏
不能婚葬者無不扶持賙濟之康熙三十二年大旱果
羽等坊二十餘里苗皆槁紹遠請之當事捐資決河通
水溉田千餘頃當事重之

王廷泰字熙臺生平孝義舉鄉飲賓學使鄭公旌以懿行
可風生于前明萬曆二十七年己亥至康熙三十七年
戊寅壽登百歲人以爲有德之應

朱淑文字羽青國子生授州司馬性孝友多隱德遇儉歲
煮粥賑饑施棺掩骼未嘗令人知出自己焉崇祀鄉賢
顧錫綸字晉三惟贊長子歲貢生沈潛力學性至孝事生
送死盡禮盡哀爲人端方好義樂善不倦歲饑請折漕
以裕民食潮溢議築斷塘新隄以固土塘皆有碑于里
社壽至八十有六次子長祚雍正甲辰舉人

顧錫純字繡千惟贊次子弱冠補弟子員爲人倜儻度量
豁如屢困棘闈淡于仕進常以濟人爲念康熙四十六
年夏大旱河爲之涸獨捐貲開西門河使北水得以南
流苗禾仍有秋初無德色其他善事未可枚舉

趙養浩字廣元性和藹終身未嘗言人過失人有善行必嘖嘖稱羨善岐黃術招之輒赴不計酬謝事寡嫂如母撫孤姪如子臨卒以自置已產均分與姪里中咸稱其長厚

張桐字允千號封山幼孤母俞氏苦節撫孤甚鍾愛之桐事母孝先意承志舉動謹恪少而穎悟讀書不倦貢入成均名噪一時樂善好施置義田崇祭祀歲旱捐貲開河鄉黨賢之

朱宏謨字奕範康熙戊子舉人邃于經學公車至淮上夜聞鄰人哭甚哀詢之因失官物欲自縊者宏謨傾囊中金贈之扁舟返里終不復出

周士彬字宗雅性好義有園田數畝灌花栽竹以涉趣自娛一日自杭歸見婦人攜二孩聚泣于途問之乃百戶某公之眷屬因陣亡流落士彬招之歸盡廢園田什物送之還里後貧甚子孟昭仲昭傭力奉養三十餘年絕無愠色

祝晟字野先少孤力學晚年耽吟詠居恆敦倫睦族濟困解紛嘗拾遺金訪還故主中年無子以兄子洪爲嗣春日偶往南山游人雜遝見有珠帽遺于道傍拾之默坐以俟少頃有老嫗哭至其所問之答曰我抱幼主失去

珠巾尋之不獲恐不免于寃累遂出諸袖以還之卽于是年得子人謂爲善之報壽七十四子二洪景濂皆諸生

朱維新字康侯庠生性鯁直有古君子風澈城舊設新河中壩蓄濠水灌濠田萬畝康熙十四年有豪民湯氏給縣令請于上官開壩決水濠頓涸田盡荒澈民愁苦甚然畏其欲且挾吏勢莫敢誰何維新偕同里畢蕃昌吳孝貽爲澈民請命于邑于郡訟數年事得直始奉上官檄如舊制壩重塞民困以甦彭孫適有碑記其顛末後人懷其德爲設主祀于壩旁普濟菴

潘稷字尺衡孝廉兆新子勇于爲義甲辰潮溢邑令偕紳耆集議防海策稷奔走風塵中凡六十日得疾幾危邑向無育嬰堂稷號召創率經畫區處不惜毀家成之竟以勞卒邑人感其義私謚公惠先生設木主祀于堂著有慎終錄備詳喪葬之事尤有關於名教

吳陞字漢倬庠生父歿時年僅十八處境極寒發憤讀書開館聚徒以束脩所入仰事俯育三十餘年恢復先業分給諸弟毫無所私鄉里稱其孝友

沈天岐孝義樸誠一鄉稱爲長者與妻顧氏年皆九十餘子有仁字長元力學能文游庠膺貢早卒媳朱守志五

十載年近八旬人皆欽其節孝

徐志榮字士升堂姪士瑤幼孤族有欲毀其家者以百金賂志榮却之責以大義力爲卽翼家遂得完弱冠時曾却奔女尤人所難

徐士瑤字惟賢樂善好施族里有貧不能舉火者時以錢米給之暑月造蚊帳給貧人死無棺者施以棺後遷沈蕩張府君廟中有關壯繆侯像捐百金創其祠通衢有煤矢堰長三十餘丈低狹如魚脊水漲時多沒溺者士瑤獨捐資買石營築人皆戴德

馮鳳威字知三學博昌臨長子貢生奮志學古博覽羣書

醫卜堪輿靡勿究心嘗值秋霖不止颶風迅發海水漫溢力請當事修築防禦有時疫癘流行必延醫製藥徧施城鄉晚年遷梅園祖居杜門不出弟人佺字南三庠生能文工詩甲辰海溢陳創修之策有餘姚民流入吾鹽生者給口分得還死者施櫓槨以斂人高其義所著有文稿詩集

方宏泰字鼎侯先世江都人洪武中有名道拳者從戎來浙論功授武節將軍遂家于鹽世傳忠厚宏泰自幼豪邁游庠有文名與高士潘梅菴陸冰修稱莫逆交尤好行善事不求人知鄉黨以是益稱之

鄭士模字冠雝太學生考授州同知孝友醇謹以敦宗睦族爲己任司義田出入五十餘年族人咸服其公復捐田于始祖墓傍建祠續修家乘眾稱其賢

張國臣嘉標把總分守沈蕩鎮康熙十三年五月十九日含山賊劫沈蕩鎮先一日賊貽國臣書囑以利令勿出擊國臣怒欲執齋書者已逸去卽遍告居民嚴備器械以禦明晨賊舟蟻集國臣率汛兵張敬山馬百勝張子雲等奮勇格鬪手刃數賊力盡被殺汛卒三人亦同斃一鎮藉以保全居民義之爲立木主于里社廟中里人陳世琦撰碑記

姜悅周常川壩人性至孝父母疾病輒廢寢食親嘗湯藥康熙二十六年就典吏於分臺考程未滿而思親念切遂辭職養親分臺歎其孝給有百行首全扁額

王公升與兄賓宰孝友夙著沈蕩建橋邑令梁澤知其賢舉共事捐助倡率橋成名曰永慶

蔣樹臣幼孤極貧無室兄嫂不能事母傭工獨養每日必謀甘旨因父歿于凶年遂不茹葷遇忌日輒痛哭竭力奉母三十餘年兄亦愧而化焉

支芋字楚臣庠生力行孝弟兩舉鄉飲大賓年八十餘卒朱旦高年八歲時父文奇生計窮迫以子繼于休甯江某

居南潯及長有才幹善經營每念所生未嘗不泣然流涕久而歸省父母不知所在訪得遺骸合葬豐山每遇歲時必拜墓下又以經紀所得修葺祠宇率以爲常陳某巫人也父早世事母至孝爲人迎神必攜酒肉供母而與妻子食糗草遇朔望則衣冠四拜奉之若神明焉陸大生負販人也其父衣食不給逐之于外大生乃業販鹽隨所得以供父風雨寒暑無間後母弟窮困生養死葬獨力營之又有胡憲令字曙光者父病醫藥罔效禱天求代刲股以進尋愈旣而母病危篤再刲股以進得瘳夫孝爲天經地義此三人者生有至性固足述也

徐埏字瀛表世爲花王里人祖彪字晉公貢生同朱袞顧爾澄纂修啟禎實錄埏讓祖屋于弟垠遷鹽邑鄭家埭居焉當年甫五歲時父啟後出游不通音耗者二十年或傳言在蜀康熙戊子春埏年二十有五矣立願尋親由江南抵荊州而病默禱于神願減己算祈與父遇病尋愈會峽水方盛舟不能進舍舟陸行從河南至陝西入蜀謁卞方伯始知父客廣西新甯州牧邱君任所是時大吏聞其萬里尋親莫不嘖嘖稱之大中丞贈贖并繪圖題詩云戴月披星形影孤由秦入蜀淚珠枯炎荒道遠無他贈爲寫尋親萬里圖由是全蜀咸知有徐孝

子復自盤江度鐵索橋越烏撒交河經摩察羅舞諸苗境達安南界抵新甯州署適座上客滿茫不辨父面目邱使君指之曰此徐君阿翁也始踉蹌趨拜膝下父子兩泣傍觀皆感動出涕復為鼓掌稱快遂迎父偕歸故里而徐孝子之名震天下方誕之尋親也間關十省跋涉五年霸橋溺渭水遇擲板以救馬蹶于劍閣幸緣樹得生渡者卜河獨木舟覆沿流二里許舟觸沙磧始攀援以上宿黃牛寨幾厄于狃狔賴鎮將兵不罹其害瀕死而得生者屢矣卒致二十餘年睽違之父他鄉重聚奉歸侍養蓋純孝所感云

黃正氣字浩生好施與慕范文正之風欲立義田而不果也遺命子金蘭必成其志金蘭字石交孝友性成恩撫兄嗣代營宅兆建祠宇設祭田并置義產一百畝暨族鄰義塚金蘭子謙字二鳴升字夔宣泰字鈞陶復捐義產六十畝膳族濟貧皆正氣之貽謀也

海甯編修查祥撰黃氏義田碑記義田者好義君子之所為也近古以來宋之范希文尚矣沿及後代置義田者不一姓要皆通籍之後積祿賜以贍族人力稍易耳未聞起家儒素百務艱辛而能敬宗收族如黃君者也夫義田之設因已而念祖宗因祖宗而念宗族所謂親也第有心無力而念祖宗因力有心而或格于時勢阻于子弟者有之惟我黃君則不然黃君名金蘭字石交其先世家郡城角里由角里遷曹墩由曹墩遷武原之秦溪閱數傳而至浩生先生有子三人長鼎一次士容石交其季也君力行善事久為里黨推重茲于乾隆十年春創立祠宇計四十餘間

置田二十餘畝以奉祭祀外置義塚二畝為族鄰之葬
埋更置義產一百畝以備賑恤其長子謙字二鳴仲子
升字夔宣季子泰字鈞陶善體親心又共置義田六十
畝由是族之貧者無困乏孤寡者無失所生不能成婚
死不能含殮者皆取給于此焉洵可謂世德相承一堂
濟美深得仁人之用心矣蓋仁體也義用也其規條盡
善則智且禮也一事而四端具焉謂非君子乎古人云
為善必有後行見黃君後嗣擴而充之幾與范氏子孫
後先輝映矣余與君仲兄內戚也知君甚悉敢不歡躍
而為之書并繫以詩曰民生之初一人之身延及數世
派別支分遠不相識即為塗人孰反其始孰溯其源厥
惟仁者其心惓惓上慰宗祖下庇後昆區之畫之幾經
辛勤為厥疆畝作茲義田厥父肇基厥子廓焉普惠子
姓無使顛連規則十二經理井然施貧活族世世遞傳
秦溪之水其流混混流長源遠
族大而蕃江夏之裔盛于武原

章鉉歲貢嗜學篤志壽至八十從未一入公庭鄉黨稱為
篤行君子

任朝衢朝衛朝街俱庠生同懷兄弟篤于孝友有古人風
鍵戶窮經足跡不入城市先後舉鄉飲賓壽皆七十餘
歲邑侯表其閭曰褒崇齒德

吳起辰字松菴弱冠舉于鄉為人忠厚篤實慷慨好施親
友未葬捐地俛助代為窀穸晚年建亭榭于廬側栽花
種竹樂志自娛遠近稱為長者

姚世潤字叔霖少孤承先志創祭田有以相爭訴者曲為
和解不使涉訟壽至七十有六

尤奇計字濟公敢於赴義嘗衣敝衣至邑城朝聖橋適持
薄募修眾皆辭謝尤因曰修橋義事何以辭為眾曰爾

肯助金乎曰然眾曰肯獨任乎詢其費約三百則應曰諾於是捐金而橋成壽至八十有五弟姪向售基房悉還其券

歸望山好行善通園西之潭橋修費甚鉅獨任之買巨石下大椿爲久遠計其妻日擔酒食食工匠風雨不輟

徐信卿蘆青里人樂善好義有王某售屋於張將拆矣王闔室大慟信卿適往見惻然止之割腴田八畝償張直王得安居

蘇瑞字鳳臺幼孤事母至孝母患瞽瑞禱於神復明享年九十有四瑞撫弟妹婚嫁盡禮訓子孫文行交敦舉鄉

飲賓

周禹祥六里堰人親族有急必赴族有嫠貧無子或勸改適禹祥毅然曰于吾乎養月給之成其志其他善事不可勝數

潘國良字聚東母病篤晝夜奉侍哭禱願以身代母病得愈因憂勞成疾而亡親族咸稱其孝

王之曾字懷曾世居沈蕩讀書以明倫爲重性慷慨能施濟公舉鄉飲大賓

劉燾字容大文學維榮長子幼孤事母徐氏克盡色養獨力營葬先世捐助祭田雍正甲辰秋海溢負母據高阜

他無所顧貢入太學授主簿職

朱晟字東曙父宗彝府庠生好讀書不治產業晚年家計日落晟獨力起家兄弟三人親在奉養獨任親亡喪葬獨營兄嘗貧推解不倦并兩姪時加賑卹撫季弟爲娶室給產居恆重儒雅延名師子孫多列膠庠

王槐字南喬祖秀明初自車橋里遷城西南之虎溪槐博學好古有壁經闡幽之著劉東沙鄭澹泉見之歎賞親歿以蓼莪篇爲題詠古風數百韻篤摯之情溢于言外撫教幼弟成立其文行足法人稱爲虎溪先生歿葬虎溪卽今所稱虎溪墩墓者是也

陳士澄字鑑公讀書通大義父母沒以遺產讓弟獨任喪葬弟有痼疾爲勢家所誘至訟兄於官終憐弟病不介意後弟貧收養之終其身

王鶴齡字千符天性至孝事寡母楊能得歡心敬祖設祠創立祭產春秋禋祀有賴

鄭型字先民雍正二年海溢倡請修築至今賴之丁酉舉人德選知高縣其長子也

孫致遠字龍友庠生飭躬勵行舉鄉飲賓督學鄭公給匾旌曰德冠儒林

許炯字殿威太學生性孝義親歿人而不忘待族人貧者

施子不倦工詩文有飛鴻集

許以德字拱辰先世自海昌靈泉山徙居鹽邑以德贅于東塘陳霖山家霖山歿囑撫二孤因經其喪紀綜其家計漸拓故業俟成立而歸之人咸稱其不負所託康熙甲子舉鄉飲賓

謝長發字瞻奇太學生好學樂善有戴姓鬻女及金姓賣子已立契交價見其父母哀痛遂各捨銀焚券遣歸合邑頌之所著有晚翠樓詩集子泰敦行勤學漸庠生俱見重士林

張大成字殿倫世居道恬父病危剖股療之得瘥母病剖

股者再人稱其篤孝

徐泓孝友性成嗜學好古工于詩賦七旬外猶能作時藝兼精岐黃濟世康熙辛巳推爲鄉飲賓

徐士良字憲章黃湖里人父僚廊以事親教子爲務士良性孝友姪道含青虬相繼殂身肩三家事而撫育之晚年欲拓祭產建宗祠修族譜未就子賢府庠生能承父志悉成就之

宣萬言庠生制行端嚴居心長厚事繼母克終孝養教愛子悉以義方足跡不履公庭國課爭先輸納乾隆二年
年八十七歲 恩賞八品頂帶

李璜字鴻舒庠生元嘉興路總管諱衍裔為人好善有隱德嘗捐金贖孤女修清風大蔭涇等橋為眾所稱著有山牕偶錄佳聞手編多長者言子士錡士錦俱國學生吳士元字殿陞性孝友遵父訓讓祖居于弟其弟家貧分廩膳之并為姪成室子維禎維賢事繼母以孝聞樂善好義為眾所欽後裔醇謹自愛無忝世德

周維垣字斯璜先世海昌人祖守道因弟宗彝仕前明為監察御史殉國難遷隱于鹽再傳至維垣兄弟四人誼學相尚有古賢者風順治辛卯母錢病篤醫藥罔效禱于天割股和藥以進母遂愈鄉里咸稱其孝

盛萬明字亮臣三歲而孤事母至孝一生不履公庭樂善好施凡遇修葺橋梁開濬河道諸善事雖傾囊不倦雍正四年給予八品頂帶子志達克承父志捐資育嬰堂倡造呂塚橋次子志適候補縣丞季子林考授州同

陸三德字子家增廣生天性孝友動履有法度好讀書年八十猶口不絕吟游其門者甚眾鄉黨咸敬之舉鄉飲大賓以上見續圖經

俞承吾少負膂力尚氣節父母死貧不能營葬其外兄吳子久助之承吾感吳德思報吳會某與吳有隙潛持鐵椎欲殺吳承吾知之挺身赴鬪傷脅死吳為立祠置祭

田祀之

吳龍輔字楚材諸生少孤貧兄病授徒養母具甘旨與妻食粗糲兄卒養寡嫂及遺孤三人生平不欺閭室時以孝弟勉學者嘗與從兄玉成倡議興復孫家堰水利一方賴之著有函齋集玉成字功懋諸生

吳有榆字蒼培儀洛子至性懇摯事父不違年逾六十依依如孩提幼失母諱日必流涕著有居易居詩文集

宋悅高農人也母徐病垂死醫者術窮悅高跪哭乞藥醫者曰汝之肝腸誠欲救母我則何能悅高誤解即往先墓哭禱畢舉刀剖胸割取肝暈絕有頃甦創口自閉解

纏股斜幅裹胸歸以肝煮湯進母沈疴旋起悅高卧創旬餘而愈家人不知也後偕鄰人屏水有見其癩痕者詰之始知其故鄰以聞於縣申其事上官給烏哺天真

額揭之閭

以上見伊府志

周之鼎字玉鉉其先義興人也賦性穎異伸紙干言不屑為章句末學工書能詩文髫年喪父事母益謹不事生產家貧好義凡宗黨姻婭無倚靡不周卹無力婚葬者尤所樂與生平重然諾慎取與搢紳先生咸重之

陳其經字叔倫誠恪端方性至孝幼失怙善事母張撫諸昆成立母患病勤奉湯藥勿效遂割股進之服賈分財

以敦手足猶子輩均沾其惠晚年家業中落勉力行善暇則寄情於琴善松竹焉

朱朝琬字公璜六齡失怙事母至孝與叔如孿同几研有二阮之致遇貧乏曲爲周濟有負至數百金者焚券不置論晚營先塋抱病累月子鳳質減歲求代妻曹氏割股療疾卒不起閭里咸爲憫惜

徐三英字桐侯性恬淡閉戶埽轍篤於孝養喜收圖籍披覽自娛校刊四子書點畫無纖毫譌世稱善本邑中創設育嬰堂捐金首倡命子文錦出襄其事居鄉多隱德遠近稱善人

唐國珍字亮功隱居獨善嘗還人遺金遇鄰人子夜竊入室給錢勸諭終身不暴其名見馬姓積九棺不克葬者助其窀穸至於捨藥施棺修橋給襖諸善事力行不倦其隱德有足尚焉

錢同文字養真精岐黃術遇危篤疾投劑立愈貧者不能具葭附每出笥中蓄入咬咀不以告有荷擔販鹽者家無斗粟鹽爲捕所奪嘔血數升匍匐求治同文以白金雜藥中啟函得金以爲誤也持還之同文曰吾安得有金卽遺汝必明告矣其人得金飲藥立愈其陰行善多類此壽七十餘乃終

以上見續圖經

黃鈞字宗彝庠生歲除入城拾金珠約值百金即於途次默坐以俟旋有人倉皇至問所失言悉符遂還之越三日復至城過徐家牌坊如有人推而前者忽聞響則坊石崩墜迨衣裾盡裂而人無恙人咸謂善報之速云康

熙二年事

新志

吳志文字元素性孝友事親竭力奉養人無間言待弟友愛甚篤順治年邑令毛一駿給孝悌遺風匾旌之新纂鄭澹字觀瀾曉七世孫家貧業賈有杭商攜千金授澹囑積絲未買而商已病歸三年不至澹攜原金至杭訪之則商已先卒妻子不知有授金事澹出千金還之封識

如故

周建中農人事親至孝母寢疾割股煎湯以進疾得痊父母歿寢苫由者一年既葬每日必省其墓母素畏雷遇雷雨必披蓑立於墓側

朱尙儉澹浦南湖人天性仁孝父病疫醫藥罔效割股煮藥以進父嗜西瓜尙儉求瓜種佳者種以奉之及父卒耘瓜而泣是年瓜瓢盡白如雪而味更甘美呼為朱家雪瓢瓜

蔣功巍字夔哉善射後術活人頗多盛夏施藥濟鄉里有董某者傭其家既聘而貧不能娶母家欲別嫁其女以

白金索庚帖功魏令還其金復與金治具以全其婚以子泰來貴贈官

黃海山者天性至孝母袁病篤率兄弟五人日夜籲天請代自刲股奉母既而父君瑞病亦刲股以療

徐德瑜字不瑕增生事母馬孝每日必親自供奉甘旨畢備集古今嘉言行爲一編曰含真錄

蕭世紘字東昂太學生少讀義田記心慕之乾隆壬午倡同志捐修歟城橋築官塘數十丈倡修尙胥橋朝聖橋及孟家堰橋結老人會按月散給錢米以贍窮乏

徐文錦字魯源性好施予捐貲助建歟城橋捐田助育嬰

堂親族貧者周給不懈晚捐田三百餘畝請於當事創設蔚文書院邑令旌之

任永治字邦懷尚義好施置義田義塾資族之讀書乏膏火者歲祿出粟賑濟舉鄉飲賓曾元繞膝五世一堂年九十二卒

馮德徵字紹京性慷慨好施予白苧橋圯德徵召匠計之需費四百金獨任之其尚義樂善類如此

康萬春諸生三歲喪父事節母張盡孝母疾篤祝天割股作糜進飲之疾旋瘳

何原彪字廷光生四歲母徐死鞠於繼母賀極盡孝養置

祖墓祀田修合族宗譜凡建橋梁修學宮諸善舉皆率

先捐輸為紳耆倡

以上見伊府志

徐品瑚字瑾懷庠生苦志勵行好學不倦乾隆間續修家

譜獨任其勞縣令王如珪重修邑乘分任纂修亦資其

力焉

新纂

湯允熾業賈不求多積惟以娛親為樂鄰室火力負其親以出他無所顧父歿每遇雷雨必著屐持蓋往省墓歷數十年如一日

李士錡字景韓太學生少失怙獨居殯所者三年遭母喪亦如之撫幼弟友愛倍至他如建宗祠置義田歲饑出

粟賑濟鄉黨至今猶稱之性喜書畫著有書畫記

沈蘭字香國性端謹家貧下帷攻苦未嘗干人以私早喪偶弟蓮亦早賦悼亡兄弟二人風雨連床友愛之情久而愈篤

陳連鰲字柱滄性孝遇人急雖窘迫必彌縫濟之家人化其行雍睦無閒言

任廷楷字樹芳性孝鄰室火母危不能出廷楷冒火進負母走燼木突下傷足仆地赴救者急從背解母時廷楷已暈絕牢不釋手因共抱扶至一樹下良久始甦股已糜爛

馬緒字鑒操太學生父早卒事母色養兼至及母沒營墓廬旬日間必一再往省依依如孺子慕著有抱樸居詩稿採入兩浙輶軒續錄

朱世標諸生性孝友少孤母老病侍湯藥每夜必起寒暑無間居喪痛絕復甦

張默字聲雷諸生事親以孝聞母病顛天願以身代及母沒哀毀成疾不數月亦卒

陳石英字子英乾隆戊申舉人性孝友少失怙恃兄弟怡怡不忍析箸六上公車不第遂絕意進取家居授徒訓迪有法及門之士獲科第者甚眾親友之貧不能葬者

節脩脯以資之不遺餘力又倡爲敦本會約族中出金置田爲喪葬考試之資工詩古文兼通字學算學號爲博物君子截取知縣改授太常寺博士卒年七十

陸用浩字玉泉邑庠生性孝友品端方母病用浩患疽甚劇力疾侍湯藥晝夜不倦兄弟雍睦無間言晚年失明祭掃必親往與後生言必以孝弟爲最著有玉泉詩錄

以上見于府志

張宗本字蘭榭乾隆丙子副貢候選鑾儀衛經歷性孝友事母壯年猶孺慕好接貧士有貸者未能償又告又貸之終不能償折其券有至數千金者家以是少落而施

與不倦

朱春烜字華初國學生少失怙事母至孝好獎人善尤敦族誼嘉慶甲子歲饑邑紳捐貲助賑春烜以地有遠近米有精粗升斗有大小易滋弊倡議分坊給賑以錢準米前一日按戶給票次日以票領錢五日一賑闔邑遭之災黎咸霑實惠他如施藥指囷折券諸事皆無所吝性好吟詠著韻玉軒稿以出嗣子方增貴贈光祿大夫徐純仁字洙源上舍生性孝友父早卒兩弟俱幼洙源一無所私力營三世窀穸族中讀書應試者資助以獎勵之弟錫嘉樂善好施捐貲修葺宗祠亦為族論所稱

朱台光字鴻章父患風症手足皆痿台光左右扶持躬進

飲食捧溺器朝夕不離十餘年如一日人以為難以上新纂

吳蓀伯字右箴父宦粵命留侍大母曲盡誠敬年四十二遭父喪哀慕如孺子水漿不入口七日遂卒於苦次

朱宗城字翼君嘉慶辛酉舉人居喪哀毀備至遂致疾及病篤深以窀穸未營為已罪遺命以素服殮著有沁園

詩草

李應占字南人敦孝友尚志節嘉慶二十四年 詔旌孝

行道光元年舉孝廉方正詩詞書畫俱翛然拔俗著有

小方壺仙館詩鈔

陳基昌字訥菴嘉慶戊午舉人敦孝友事繼母極謹扶植諸弟未嘗以異母歧視之

朱星煒字垂青有文名父患脹疾星煒露禱割股和藥療之父嘗均已產與弟弟早卒撫遺腹成立星煒善視之親歿不衰嘉慶己卯詔直省舉報孝行大吏首列星煒名祀孝弟祠以孫昌頤貴贈朝議大夫

祝汝成字道閑性孝友宗族及戚友中有貧不能葬者輒毅然任其事

朱昇字應亨與堂兄城友愛最篤後城病故昇遠館他處聞訃奔歸大慟致疾越十四日亦卒

朱昌佐字衡府諸生性孝友敦品立行每勸宗族公置祭產為敦本計

俞肇榮字九峰性孝友父病割股以進弟早亡膳寡教孤極敦手足誼

何廷樸字宏道性誠厚里黨有貧困者輒賙卹之事親尤孝嘗築杉阿館以娛親志嘉慶九年舉鄉飲賓

俞廷銛字玉墀事親極孝有族兄老而失子時周之且為葬其上下六喪以上見于府志

馬國偉字愚庵性孝友好學工詩與弟用俊字少白隱居橫湖里日夕相倡和有常棣連枝之瑞邑令張宗軾有

文紀其事一時名公鉅卿咸贈以詩著有鄂鞞聯吟集
行世子光燮字鎔齋道光甲辰舉人正直好義胸無城
府善屬文雄深質慤有古大家筆意及門甚眾粵匪之
亂間關避地抑鬱成疾卒

朱以權字異亭貢生事親孝父病篤割股以進獲痊永安
湖張老人轉水河三閘司啟閉者數十年一方利病如
在一身其勇於為義類此以上參于府志新纂

吳元棟字良材家貧父久客不歸母日夜憂疑遂辭母往
尋負木版鐫年貌於上所經過處輒以印本貼之冀有
指示者後至楓涇知己葬武廟後遂措金付守廟人使

護其塚痛哭招魂以歸

吳端邑庠生父病劇醫藥罔效割股以進

馮振揚至性過人父某沒於山西振揚行乞尋骸骨歸葬
壽八十餘卒

任鋒彭福壽姚士楷皆家貧至孝嘗割股療親疾閭里稱
之

朱埏之性孝友父歿每哭嘔血升餘母患肺疾痰嗽不能
出口輒以舌運之與弟方增友愛甚篤數十年如一日
張芳漢字天士性友愛兼工書法精青囊術

黃振玉字健君事繼母以孝稱負笈他鄉聞母病徒步歸

侍湯藥晝夜不倦哀毀骨立未半月亦卒易簣之日猶
諄諄以孝友勉諸弟

黃仙根字亞圩乾隆庚子副貢績學多才尤好施濟郡邑

修學宮葺書院以及濬湟掩骼諸善舉無不預晚年設
義祭等田刊刻規約斟酌盡善著有銀花藤館詩集

祝乾錫字磊人諸生性慈惠親族有告貸者周之不責券
硯田所入悉以分給匱乏

姚玉墀字崑圃乾隆丙午舉人官天台教諭精岐黃術貧
不能藥者徒步往診兼助之劑卽參苓所勿惜

陶惟善字芾堂敦本好義廣施藥材以濟疾苦恤發恤寒

諸善舉皆出貲以贊成之

郁文彬字廷相慕義樂施歲饑竭力蠲賑橋廟有傾圮者
輒出貲修之戚友借貸臨終悉焚其券

趙乾行樂善好施捐山五畝以爲義冢遇荒歉出粟平糶
舉鄉飲賓五世同堂壽至九十一歲子周彪光裕並有

父風

徐紹鎬附貢生敦族誼凡族中墳墓糧賦其子孫無力完
納者悉與弟紹京代輸之或以緩急告必量爲周恤無

吝色

以上見
于府志

盧元熙字鑑清樂善好施嘗出資開濬澈河支浜九百餘

丈鋪澈城北門外石道遠近賴之子雯字古愚亦敦義行浚河治橋修途諸役無歲不舉歲製棺木減值出售負者不責償蓋不居施捨之名使領取者無慙色其曲

體人情如此

參于府志新纂

張治字鈞衡樂善好施道光元年 詔旌義行

朱承陞字香海貢生董修學校勸捐施賑閭里重焉

張穹選字仕雲增廣生業師朱某亡其妻無所依穹選以舌耕贍養終身里人沈某患瘋欲賣其妻穹選倡義日

給米薪夫婦賴以完聚

以上見于府志

胡若琴字南珍世居鮑郎浦孝友性成母嬰痼疾敬養罔

懈兩弟早故撫孤恤寡出已產以贍之每歲必擇上等潔淨之米以輸冬賦人稱其善答曰古人有言草莽中惟此為君臣之義吾以盡吾分也何善之足云年八十六卒

胡景瀾字觀濤性慷慨產僅中人能急人之急一日入城納賦至縣治前見鄰人戴某疾行往東神色大異急招之再三問其故鄰曰絲銀輸盡無以為生將赴東海以死耳景瀾傾貲之許其勿償呼之同歸鄰大感悟終身不復賭博云子誠遇儉歲輒首倡捐貲以周鄉里

張輔字紹謀武生精痘科為人醫治不受酬遇赤貧者為

購葶苓藥物以療其疾所需藥資代應約以他日歸還
卽不歸亦不索有時人延請至家視症稍備酒殺款留
輒告辭急走挽之不能駐如是者數十年濟人不少孫
元煦舉孝廉人咸謂爲善之報孫元煦另有傳

郭二無名字少孤家極貧有一兄不知治生二日肩賣瓜
果得錢以養兄嫂其兄八十餘 恩賜衣頂日服之以
婆婆於市遇博徒輒博日以爲常而二亦年七十餘服
勤祇事不少衰未嘗有怨言怒色終其身如之

馬人驥字呈才國學生少孤事繼母王氏極孝敬詩文磊
落有奇氣搜羅古書名畫甚夥性慷慨捐建馬家石橋
乙丑大饑斗米錢六百首捐粟賑饑全活甚眾嘗以母
苦節欲請旌於朝母力止之謂守節常事耳安用旌爲
及母歿始議題請已病篤矣臨終囑諸子勉成之著有
自怡編長子玉墀庠貢生忠厚有父風

陳貽謀字省齋國學生生八月而孤母楊氏守節撫養貽
謀事母盡孝積金爲母請旌建坊外祖母乏嗣邀至家
終養人有以急告者無不立應道光十年舉鄉飲賓卒
年七十有九

朱和春字笠漁庠生抱經濟才厄於遇不得展夙志於里
社民生所關無不悉心籌畫如禁石宕以重海防置闢

座以備旱澇創同善堂以革火葬貽澤尤為久遠家無
 負郭田而力敦義舉戚族有急必竭力助之待人以誠
 為鄉里所敬服有忿爭欲赴公庭者得和春曲為開導
 無不立解著有板橋詩草以子毓文貴贈官以上見澉水新志
 吳本智字與言中偉六世孫舉鄉飲大賓樂善好施蠶衢
 浚河振恤貧窮遠近感之尤敦族誼道光六年卒年七
 十九歲

朱昌穀字秋尹布政使經歷銜性孝友延師課幼弟昌豫
 讀書成名而自任米鹽之事倡捐義田以贍族家故饒
 兄弟皆能好禮以故鄉黨稱之昌豫字孚山廩貢生候

選訓導

方鼎字養菴慷慨好施與歲饑捐賑為眾倡族人售居屋
 畀以金焚券歸之為子議婚女忽雙瞽其家請改婚曰
 豈可令此女無歸卒為子娶之子家振字香樵歲貢生
 娶瞽女終身和好時人以為難

林富齡賣卜城市事母至孝母有癘疾無故輒毆詈富齡
 侍奉益謹每得卜資供甘旨甚豐親滌溺器里中稱為
 林孝子云

金文模字仿齋家故貧事親甚孝父病篤割股以進父沒
 哀毀致疾自知不起急措資為親營葬不數年卒

朱玉麒字閩宗先世安徽人 國初遷居海鹽玉麒生平

立品敦行天性孝友課子弟甚嚴喜施予有請必倒庋

以應不稍吝鄉黨稱長者次子錦字春甫邑增生

陳德林父客江西病歿德林年十六悲號走千里尋父骨

歸葬里人為之繪負骸圖著其孝焉 何岳齡詩曰吾邑

沒十六歲兒尋父母父作江西幕下賓十年前在宜黃

沒自來宦轍如傳舍何論遠死他鄉客約略營邱獅子

山誰其知者守門役導往苦搜尋訴舊增嗚咽生者流

涕死者笑風走雲飛露石碣幽崖氣蝕棺成灰無復衣

衾況膚髮塊然一硯枕枯骸陰鏹姓氏生年月牛羊晝

牧孤夜嗅大虺如輪赤談舌十年呵護無神靈骨化空

留一硯石攜歸慰母心欲語氣還結母心為兒寒父骨

依兒熱祖瑩同照月團樂何如獅嶺懷涼白陳孝子力

始竭畫中

人人中傑

吳春字蓉渠熙子嘉慶辛酉舉人性伉爽里中義舉如賑

饑水利等事悉心經畫以為眾勸居家教授生徒善於

誘掖遊其門者輒獲售時人重之

周鵬海字運君道光戊子舉人弱冠工詩文才氣豪邁事

母孝承歡備至居京師數年思母不置將南旋母欲其

成名馳書止之旋卒於京聞者傷焉

李恆安小墅里人性廉靜事父祿有孝行父病篤醫來詢

以何藥可治醫漫曰人血或可挽回恆安即於昏夜焚

香祝天斷右手大指瀝血以進父病稍愈家素貧晚寓

硤石鎮東訓蒙為業春秋佳日策杖怡情翛然物外

康二老澈浦人朴實如村農設酒肆於市數十年無疾言忤色母生時嘗畏雷母歿每雷聲作無論晝夜必冒雨詣墓雨霽乃歸年八十餘健步如少壯

楊德保澈浦人兄弟三人德保居幼性愚笨羣以駭目之父年六十餘目痛失明德保日夕舐之不半年目竟復明

顧學勤字儒懷世居呂家生平不苟言笑教子以義方待人以實心道光己酉水災出粟賑貸全活甚眾庚戌年邑令段光清舉鄉飲賓巡撫黃宗漢給予仁德咸欽匾額卒年六十有六

顧昂奎原名宗伊字覺莊性剛直曾上書訟父寃反覆數千言當事竒之爲之緩獄嘉慶戊辰領鄉薦後以春闈不第刊刻遺卷被吏議旋復應試再登道光甲午賢書平生潛心經史遇事敢言時有侵蝕書院膏火者人無敢發昂奎力爭之得復舊觀兩子皆能文長元寇歲貢生次元案道光己亥舉人大挑用陝西知縣以母老歸養遭亂憂憤卒

朱源慶字葆青少孤家貧苦志力學食餼於庠名噪一時登道光己亥賢書立品端方事母極孝課徒以供甘旨以母老不就遠館主講蔚文書院士子悅服母壽至九

十六而終源慶居喪哀慕如孺子焉

顧德齡字幼梅道光己亥舉人爲人清介絕俗四方重其品學爭聘課讀在京師時遇宴會有歌童輒避席去有友就館温州抱疾歸薦德齡暫代旣而主人欲強留之曰此豈儒者所爲耶拂衣竟歸兄燮綸字磊亭邑庠生工詩著有不秋草堂詩稿德齡爲之序刻以行世

孫寅亮字月鋤邑廩生少時讀書至暑夜不輟置足甕中以避蚊其勤苦如此試輒冠軍而困於場屋游其門者皆破壁以去學士顏宗儀其尤著也業師王慎歿後貧無以葬寅亮首出資並約同門贖金爲營窀穸弟維整

亦受業於寅亮道光庚子副貢

吳鳳前字昔巢性孝友食貧力學道光戊子舉人考取宗學教習乙未大挑用教職甲辰授富陽訓導在任九年整頓書院修葺學宮表彰孝行約束士子風氣爲之一變俸滿膺保薦以親老乞養歸里奉母避寇亂母病憂勞致疾及母沒哀毀疾益劇越一日卒

吾元圻字硯尹邑庠生家貧課徒自給沈文節殉難梧州信至家謀往收骸骨而三子皆幼賊氛又熾議未決適元圻至聞之毅然自任遂偕文節舊僕袁成跋涉數千里道經廣東訪悉遺骨藏梧州荒寺遂乞同鄉官書持

往謁當道得達藏骨所負之以歸鄉人多其義焉

趙銜銓書

元圻粵中紀行詩後云慷慨敦交道收骸萬里還烽煙羣盜路瘴癘百蠻天俠骨超千古忠魂鑒九泉奚囊餘好句贏得

共流傳

徐克熊字耳山恩貢生耄而好學閉戶自精性情恬退不求聞達生平擇交必慎雖居城市而人罕識其面不愧獨行君子著有禹貢註疏儀禮註疏挹秀軒詩稿却掃山房文集咸豐辛酉縣城陷遇賊大罵不屈被戕年七十有五

董世慶字雲軒歲貢生天性孤高皓首窮經心貌皆古出門未嘗不冠帶跬步必循禮世人咸以迂闊目之無與

議婚者以故終身不娶年近八旬值粵寇至衣冠端坐被害

陸世勳字建堂咸豐戊午舉人自幼苦志讀書遊庠食餼文譽日隆一試禮闈報罷回里旋值寇亂避兵鄉間憂憤填胸惟祈速死同治元年賊至即仰藥死

朱慶時字輔齋弟慶松字怡齋兄弟友愛閉戶讀書不與戶外事慶時工詩畫通句股術慶松為文務清高不喜時尚先後登賢書既再試春官不第同留都門銳志切磨卒不遇歸里值寇亂流離抑鬱相繼卒

朱有穀字怡山知府錦琮子以捐資議敘候選知州性孝

友讀書傍涉算學尤明醫理咸豐十一年夏寓居杭州
值粵匪薄城奉檄襄辦團練隨署布政使麟趾守城擊
賊糧盡城陷戰歿於清泰門事聞 恩卹如例子寶雄
襲雲騎尉兄子恆釐先於海鹽城陷時殉難

朱九一字少儒庠生咸豐辛酉縣城破九一從容作絕命
詞五首題學中明倫堂壁上有不須更作身家計此後
妻孥任自謀之句隨繫頸欄干上將自盡焉被賊解脫
脅降不從得釋後流離困苦斷食數日而死時年五十
七

沈掌大澈浦人少剛勇好飲善鬪灌園爲業辛酉二月賊

陷縣城旋築壘於邑之歟城鎮責民貢獻將按戶搜括
民憤甚掌大倡義擊賊號召數日聚眾數萬並乞澈浦
汛官兵爲前鋒五月十三日把總陳長瑞率眾前進行
抵勾脰橋距歟城不遠遇賊船開礮擊之殲其魁餘賊
梟水逸盡得其船萬眾鼓噪進歟城賊驚惶欲遁已而
嘉興援賊大至接仗失利陳長瑞被戕鄉民死者三百
餘人掌大知事不濟率眾退回越數日賊赴澈大掠並
索起義諸人掌大曰吾不出必累眾人從容就執過酒
肆飲陽陽如平常抵歟城賊究問黨與掌大曰若輩罪
大惡極人人得而誅之倡義者惟我一人何多問爲遂

被害年六十一歲自是賊亦不敢搜括鄉戶實掌大一擊力也助掌大鳴鑼集眾者有庠生張鏡坊保郁老五事敗張鏡自縊郁老五亦被害

朱嘉玉字子信毓文子國學生敦孝友工文章慷慨尙氣節咸豐辛酉賊陷海鹽後退踞歟城鎮義民沈掌大起兵攻之嘉玉護輜重隨後已而潰歸時海甯屯重兵嘉玉往乞師不應痛哭歸乃閉門課諸子讀書十二月賊陷歟城虜其兄嘉幹去嘉玉追及之曰兄多病願以身代情詞懇切賊釋其兄以嘉玉行路遇兄嘉穀之子福詵福潛並爲賊所得嘉玉語二子曰汝在此我不得死

矣至松江浦東說其酋反正酋領之會官兵急攻浦東賊乘夜遁走嘉玉與二子相失不肯行語同虜者曰曩以二子相隨故緩死耳今復何所顧慮遂罵賊不屈被害同虜者歸述其事猶流涕云

朱元鼎字蠡湖邑庠生家貧授徒課弟元勳讀得登賢書弟卒撫遺孤如己子道光壬寅海疆告警邑令籌辦防堵已酉遭水災襄辦賑務均資其力議敘中書科中書銜監蔚文書院最久出納不苟人無異言同治甲子邑城克復凡善後事宜悉主持焉卒時貧無以爲斂其廉介有足多者

顧桂餘咸豐辛酉冬賊犯澈浦桂餘隨父走避倉猝相失
途遇其戚挈之行不肯疑其父已陷賊中曰不見吾父
何以生為乃復突圍視之賊欲虜以行不屈赴水死年
十九歲

王乾元字確菴監生自粵匪據鹽乾元閉戶居鄉素未蓄
髮賊三次至村劫掠其家俱獲免同治二年冬海甯賊
猝至見其髮短欲執之乾元罵賊不屈身被數創死年
七十三歲以上新纂

殉難紳士兵民姓氏

翰林院待詔銜沈品嘉咸豐十一年三月初八日殉難同治七年閏四月初二日 品官以下陣亡例給予雲騎尉世職襲次完時給予恩騎尉世襲罔替凡後照四品官以下陣亡例者卹廕同

國子監典籍銜吳薰同治四年九月初二日 候選知州朱有毅咸豐十一年十一月二十八日在省城殉難同治三年四月二十六日 布政使理問銜

盛月巖同治二年三月初一日 服毒死同治五年五月二日 旨照六品官殉難例贈銜廕一子入監

陸又海 州同銜陸士龍以上二名同治七年閏四月初二日 旨照四品官以下陣亡例卹

王寶珍咸豐十一年二月初二日 旨全上 府經歷

銜陸人俊同治七年閏四月初二日 旨全上 縣丞銜陸人炳同治六年五月十七日 旨照四品

贈銜廕一子入監 候選訓導朱運和同治九年十一月二日 旨照四品

海鹽縣志

卷十八

人物傳

孝義

三

官以下陣議敘訓導陸金墀 同治十年五月十日 前福建康

店鎮巡檢李修業 咸豐十一年二月初三日 旨全上 日殉難同選

用州吏目王思源 同治十二年十月初三日 旨全上 候選從九品陳學泗

同治五年十一月二日 鄭廷瀚 咸豐十一年三月初九日 在

二十八月 旨全上 孫承烈 咸豐十一年三月二十九日 中砲死同任

坤癸 同日 旨照九品官殉難例贈銜廕一子 徐文蔚 咸

十一年十一月初二日 旨照四品官以下陣亡例卹廕 周可宗 咸豐十一年十一月

年十月 旨全上 從九品銜朱寶臣 同治三年四月二日 任克勳

日 旨照九品官殉難例卹廕 王慶祥 同治

同治五年四月二十二日 王關餘 咸豐十一年五月十八日 投河死以上二朱

有岡 同治六年三月初一日 旨陸人鳳 同治七年閏四

全陳大成 咸豐十一年二月十七日 與子生員濟康 旨

上陳大成 同殉難 同治八年十一月三日 旨全上 吳

榮陞 郁似蘭 同治九年十一月九日 旨全上 朱元輝 同治

品官殉難 張錫慶 同治十年十一月二十八日 呂大釗

咸豐十一年十月十五日 與子元昌 同陣亡例卹廕 未入流銜王餘

河死 同治十二年十月初二日 旨全上 陸世勳 同治元年五月初二

慶 同治九年十一月二日 舉人陸世勳 同治元年五月初二

五月十七日 旨全上 恩貢生徐克熊 咸豐十一年

難 例贈銜廕一子 入監有傳 恩貢生徐克熊 咸豐十一年

舉 貢生員新章 襲固替有傳 董世慶 咸豐十一年二月二

予 恩騎尉世襲 傷亡例者 卹廕 董世慶 咸豐十一年二月二

舉 貢生員新章 襲固替有傳 董世慶 咸豐十一年二月二

貢 生員新章 襲固替有傳 董世慶 咸豐十一年二月二

海鹽縣志 卷十八 人物傳 孝義 七

同日被 **李葆元** 咸豐十一年四月十六日 **徐湘** 咸豐十一年五月十一日

四日投 **朱英** 馬濟康 俱咸豐十一年四月十一日 **陸鴻** 同治元年六月

初四日 **陸學泗** 同治元年六月七日 **陸** 咸豐十一年六月十一日

投水死 **監生朱賢能** 沈梧鳳 俱咸豐十一年二月

王念曾 同日被擄不 **莊願然** 同日被 **陸蕙芳** 咸豐十一年九日

被戕 **王寶仁** 咸豐十一年五月十日 **張加祿** 咸豐十一年四月十日

死 **朱學純** 咸豐十一年五月十日 **祝齡** 咸豐十一年六月十日

死 **雅儒** 同治元年六月七日 **胡文耀** 同治元年六月七日 **王熙都** 同治元年

元年被戕 **沈維宗** 同治二年三月十日 **張步雲** 同治二年

賊被砍縛投於河死 **王秀生** 同治二年六月二十日 **王乾元** 同治二年

二月服毒死 **許俊民** 同治二年十一月 **吳烈** 文童陳其

罵賊被槍死 **盧光藻** 陳介福 徐舒堂 陸以恩 戴建 金

厚田 金舫舟 吳黃元 温鏞聲 王家相 宋芸甫

馬峻齋 賀其琛並子百福介眉 孫如灝 朱寶慶

胡沛生 朱恆釐 章文蔚 趙有壬 朱佐清 郁

如柏 徐德霖 徐宗德並弟宗禮 潘勝高 潘全坤

戴陳綱 朱庚榮 馬敬齋 俱咸豐十一年 **陳煜** 徐松溪

俱同治元年 **張祖陸** 王家藩 張德 俱同治二年 **前湖協左**

年殉難 **營把總查麟** 咸豐十一年二月十九日 旨照四品官以下陣亡

例卹 **衛千總銜唐春田** 李廷楨 俱咸豐十一年二月 千

總銜陸人英 六品軍功富墉 武生陶鵬英 陶雲龍

陶振海 潘步青 營兵劉成寶 咸豐十一年二月二十七日陣亡 吳

佩生 郭永魁 張貞元 盧發生 顧茂昌 曹關生

金有德 劉霄第 沈桂 陸勝元 俱咸豐十一年五月十三日陣亡

民人沈掌大 傳郁五老 沈貴寶 朱鈞 郭奎老 郭

二南 茹大老 朱興隆 李依林 步蘭慶 沈華生

張德明 朱玉蓮 董瑞亨 步發生 沈永餘 趙

雲山 趙豐玉 王順天 徐林昌 金愛清 盛瑞生

韓嘉生 楊勝元 劉裕春 王發邦 王勝元 王

仁元 陳雲卿 沈引生 林龍生 趙琴寶 周堂寶

張復生 何三老 林章 吳龍 沈三地 沈順寶

張福升 崔余福 朱大寶 崔忠清 宋金元 蔣

關老 徐余老 孫和尚 陳昌齡 陸聖元 陸敬老

沈良和 沈開生 黃發生 張鑑 沈來 陸信元

陸二老 徐發生 袁年 莊來生 潘鳳生 姜開

元 姜關福 顧雲 李保林 孫亨 孫加 徐品

衛月 陸章 徐快生 朱元福 顧寅寶 孫石林

孫振海 湯高明 湯才生 王子榮 許增祥 徐金

生 楊士榮 莊寶昌 湯福生 祝福昌 沈壽林

張發南 楊蘭生 楊三寶 李慶生 周春畬 曹瑞

生 步瑞 吳桂生 黃龍元 莫瑞奇 金田寶 李

玉渠 鄧大 顧寅生 張金生 湯高生 潘鳳高

趙勳 陶雨生 俱南鄉人咸豐十一年五月十三日起義同攻歟城賊陣亡 吾雲山

張錫壤 張月軒 李師白 張錫琳 俞鴻香 沈文

翰 吳海壽 徐心和 仲觀生 查有臺 郁太和

張起鳳 沈笏堂 徐黼卿 方厚雲 葉玉泉 何觀

濤 沈午橋 鄭清鏐 陳寶全 沈慶寶 董永生

陶雙印 王金壽 陳鍊孚 李燮齋 王延生 孫榮

桂 朱子湘 朱晴岩 沈文淑 馬四 徐輔廷 楊

敘寶 沈彙堂 徐應坤 吳拙安 杜稼書 徐寶觀

吳廷蔚 張莖 沈武 汪大林 吾閏餘 戴升如

徐俊 徐王福 陳大 蔡元勳 張清齋 李梅亭

楊雲山 朱硯亭 方硯山 朱益齋 陸富生 葉

五觀 李福生 陳龍生 徐大 唐蘭生 陶亦亭

陶聚觀 陳雙印 任雨香 蕭二 陳被齋 步發

馮耕山 蔡順元 吳壽 王應生 全壬生 吳竹坪

陳正元 趙珍壽 姚大 盛裕寶 錢雙印 朱德

元 張光照 馬貴 徐福林 沈文生 姜永慶 錢

坤三 唐珠寶 徐玉寶 許三元 徐葆亭 潘永慶

張延齡 馬留束 朱元炳 吳九粟 孫小橋 楊

鳳 顧棧 何福老 田餘老 王桂生 陳啟寶 田
 有寶 談元地 徐三觀 金餘地 徐厚 董啟梧
 姜有生 李桂生 徐順龍 陳富寶 朱懋基 姜永
 慶並子大觀 王正陽 徐寶觀 沈佩璋 龐恆山
 徐寶生 李福 王金鈺並子壽生 趙元柏 陳賢
 褚金觀 顧序康 顧其華 吾春卿 朱鹿門 朱秋
 泉 吳昌瑁 唐襄束 陸滿老 衛天壽 衛大八
 周關 顧品元 顧蘭生 李馴 盧均 盧勝 金雲
 老 徐天淑 曹疑叔 丁天福 陳安泰 俞介壽
 孫逢吉 周翹福 吳敬元 湯祥生 張元林 袁順

甫 陳源 陳亨 郭發生 胡敘生 祝有 王五寶
 汪振陞 陳順慶 黃誠忠 徐和尚 莊小麻 周
 小敘 湯有山 林章福 張五老 朱天福 徐懷廷
 陳永慶 潘泰亨 奚君祥 董雨生 黃佳元 王
 寶成 朱元熙 王雪齋 徐保生 姚聖寶 李聖寶
 俞應觀 方揚鳳 王三元 黃桂生 彭小雲 彭
 景三 馮榮慶 許彩如 吳松橋 林三 方蘭生
 方愛 方九齡 周李壽 任生 沈李壽 吳福元
 朱景香 徐琴山 張騏德 沈慶元 何四寶 張餘
 三 徐仁元 吳隆元 朱連生 楊來 吳長韶 馮

海鹽縣志

卷十八

人物傳

孝義

嘉言 馮觀昌 顧來生 顧祥元 湯有德 顧恆觀
 周福元 顧采 王和尚 王四老 李應寶 顧永
 生 王觀生 王小寶 查其林 陶瑞生 趙周林
 王勝龍 查有福 康慶寶 馬天 蔣五福 朱和
 李關林 李才老 曹有餘 吳雨生 曹林昌 張連
 生 姚發 周觀昌 張其昌 張奇 張壽福 陶觀
 餘 陳武元 步觀裕 周運 周才 周順山 周桂
 山 周奎老 楊正祥 楊元 張轉龍 張瑞昌 陶
 祥生 姚發元並弟滿 張雲祥 王珍福 顧金元
 湯大德 袁有餘 袁惠 王莘田 湯祥生 袁福南

褚轉龍 沈祥生 陳新 陳周 吳貞祥 韓亨寶
 趙松岩 施永生 莊壽元 甘勝林 鄒敘元 吳
 再寶 吳德寶 徐祥龍 祝元 祝進昌 沈貴三
 徐羹 蔡有才 蔡紀生 吳太生 沈効福 劉永生
 劉太生 石錦 屠慶餘 張登元 朱金福 沈順
 餘 徐正茂 徐武元 顧元龍 石發生 顧書田
 顧子卿 殷坤元 朱勝才 吳迎龍 朱富生 王官
 福 吳順老 沈有生 鍾四老 鍾嘉生 鍾珍寶
 鍾長生 張關元 彭洪觀 鍾發生 張大田 鍾龍
 生 黃恆生 孫關清 王生福 戚龍生 沈振揚

顧祥生	鍾點彝	繆堯齋	吳振海	吳鰲清	顧寅
吳考	湯高老	吳明	喻永生	韓順德	翁義老
馬升東	黃嘉粟	黃大束	李景方	盧蘊山	許
純澗	郁鼎地	黃趣棣	顧卯生	沈年福	陸勝福
朱懋坤	朱懋生	朱觀其	張金龍	步榮春	許
景福	萬勝高	步和尚	步永春	李保生	步敬元
顧德慶	步長生	吳榮陞	馮關壽	步關星	許
承才	馮福元	林才生	金順林	許永福	徐友生
徐柏慶	徐官福	步來慶	鍾順元	周祥寶	鍾
東昇	李敬祥	楊朱馬	顧順龍	顧毛老	鍾發順

盧文澧	並子環	楊順福	楊瑞國	楊官鳴	並子關	
福	鄭永春	陳發龍	朱兆龍	邢義方	陸順元	並
子奇民	祝夢熊	祝瑞崧	祝學裘	祝桂馨	陸和	
明	陳亨加	朱亨寶	朱大老	朱才生	周汝生	
姚鳳林	沈喬觀	周天福	陸配山	並子富生	嚴增	
福	周才福	吳駿齋	周昌龍	祝淦和	趙慎寶	
潘武生	祝福臻	祝蘭慶	周信老	陳章	張國凡	
張斗	王春	高關順	周和	向壽	顧鼎	唐觀
福	唐天壽	唐新	唐方余	朱寅	潘關生	陸來
生	孫禮增	朱寶華	孫彬	孫來生	郁葵	沈周

龍	王萬榮	王保元	徐魁	潛琴	何羊寶	張才
黃明	姚燕林	張有福	王補生	王順昌	陸高	
生	湯增福	陸二保	潘祥福	黃易邨	張安德	
黃有元	張韶福	張桂生	趙進生	趙發生	趙敘	
生	趙進福	趙唐	黃觀老	陳月老	戴寬	戴新
光	張雙福	張和尚	張趣生	張來生	浦龍生	
浦來生	何觀生	何祥元	姜五老	周福林	周張	
老	顧壽福	馬慶生	金高生	金金奎	陳琴生	
吳觀生	吳華生	姚五觀	姚瑞	殷鳳	林載生	
朱關元	朱來生	胡守觀	何富生	殷沈福	顧巧	

生	黃關金	黃珠老	顧斗	范田	吳梅生	胡發
沈羊南	舒道亨	沈才福	王昇家	王壽生	陳	
雲生	徐元龍	沈生勝	沈巧林	朱雲窟	陳國瑾	
陳源清	陳玉田	張德言	陳法林	沈高老	朱	
關生	姜余福	姜富老	吾桂生	朱杏春	姚其老	
甘立成	沈銀山	錢成茂	林永清	林小四	張	
照生	張橋	馬慶雲	劉發元	趙煦齋	陳高	沈
留元	沈奎	褚福林	陸司務	楊阿四	姜五地	
方金福	陳啞子	姜楊龍	黃鳳林	宋勝元	黃見	
張文	衛敘地	嚴牛地	衛關元	姜金龍	姜應	

生 戈周地 衛品 姜榮昌 黃伏地 張寅 湯鑑
 清 胡關元 胡春 黃斗林 夏武林 夏向寶 夏
 春福 褚正元 夏有生 張武寶 張蘭谷 吳桂榮
 宋福元 姜佑其 楊天福 宋灶老 孫發老 王
 黃壽 宋觀福 康連方 張月橋 張新 張揚福
 張仁林 史進老 康珠寶 史富寶 楊進老 嚴德
 龍 袁富生 任包龍 胡灶老 宋趙林 費連福
 宋大老 胡掌龍 宋會福 胡嘉林 許有福 張元
 元 朱米和 張增老 黃文元 張才生 黃大老
 張應生 莫漢文 莫有福 莫六寶 張信中 張壬

元 劉灶 蔡發生 蔡奎元 王仁林 孫天喜 王
 棧地 蔡關地 蔡何福 蔡開元 蔡有寶 宋友友
 陳朱福 王恕 施年 王關福 王關福 顧壽昌
 陳觀福 顧鳳林 林大發 陳勝老 王張高 李天福
 並弟關順進餘 林信 陸奎老 包發老 陸連生
 顧金生 吳德元 王寅波 鄭發 吾登熙 吾德成
 湯五觀 王勝成並子三保 歐陽舍 奚長生 黃
 嘉利並弟嘉貞及子應福應壽 黃嘉亨並子福生 王
 貫山 郁歪頭 馮順林 高桂生 方維鋒 方厚豐
 陳稀慶 曹成昌 楊榮春 陶文耀 王介眉 王

銀海以上咸豐十年殉難 楊才老 陳成福 姚徐福 余三弟

陳關福 繆太老 馬福叔 金福寶 俞鏞椿 李

少白 張如蘭 沈太元 顧瑞生 宋菊生 薛周林

蕭祥生 潘其 阮龍 繆天壽 周才生 徐有昌

王才老 張金老 王年福 王向元 繆坤 盛才

元 許來生 徐瑞昌 湯三元 顧關生 徐余 李

鳳春 李元通 李大椿 盧勝福 王大老 潘勝林

顧永年 王法隆 沈天林 劉其生 朱高生 朱

龍 千高 陸月高 沈福老 許富 趙元推 宋武

觀 張延慶 張葵 袁方林 陸富年 陳富生 朱

和壽 胡其老 張正老 方法 及仁福 朱金老

周余福 何嘉老 郭二老 俞三老 王發元 何成

老 黃楊通 蔡順林 蔡有餘 宣銘盤 袁厚生以上

同治元年殉難 馬順元 龔禹甸 吳謙保 吳董 俞壽林

陳大林 趙勤 謝敬莊 俞蘭生 陳鑑堂 盧元香

許天倫 許浚明 朱謀笙 孟順元 李松亭 朱

梅痴 費銀壽 朱鳳山 朱進才 朱蘇風 沈福壽

王永芳 張有生 沈三老 王大小 張文華 顧

慶生 鍾昌 金永生 顧敘老 王祥慶 沈貴老

平兆珍 胡五楹 沈熙 袁明生 顧載生 孫年林

王有老 徐韻菽 王敬生 姚德龍 鍾年福 鍾
 森 鍾敬二 陸才生 陳義寶 孫瑞 周大 范楊
 林 黃法生 黃仁老 黃餘老 郁樸山 金兌分
 許其芳 王加有 倪勝林 馮仁老 沈二福 曹才
 老 林凌老 周天老 陳子倫 孫關生 周開二
 陳摺珊 錢羽豐 俞鳳生並子信餘信全 吳順福
 趙加棣 張長生 姚琴棣 陳三老 陳聖福 陳三
 觀 何桂林 袁年林 彭山棣 王福老 馬楊福
 陸德元 沈鳳林 戈開林 林勝福 徐保採 陳熙
 載以上同治二年殉難 汪傳觀 俞桂生未查殉難年月 僧山齡 正昌

觀昌 桂生 德順 道士林瑞章 李柱臣 王輅
 寄籍候選布政司經歷查仲誥海甯州人咸豐十一年二月二十七日罵賊被戕死
僕沈二觀朱 舉人吳昌照安徽歙縣人 文童查美熊海甯州人
龍觀隨死 同日投 民人曾廷緯海甯州人 莫廣論秀水縣人 程瑞林 周甫俱
州死 嘉興 劉桂山吳縣人 以上殉難紳士兵民先後
 奏請旌卹除分別卹廕外文職五品武職四品以下及貢
 監生童有贈銜及照官員議卹者均入祀本籍及陣亡地
 方府城昭忠祠餘入祀本縣忠義孝弟祠於通衢大路建
 總坊題名今建忠義總祠
案粵匪之難紳士團練陣亡及被難自盡者俱分別各
邀卹廕國恩厚矣其中間有死事異同疑信未協祇
 海鹽縣志 人物傳 孝義 三

憑案卷採錄
不敢增損焉

五品封銜任寶成 生員許春煦 陳超然 監生顧沛

雨 孫厚和 葛國香 張嘉霖 武生顧鍾英 以上

見浙江忠義錄已旌

附貢馬光彝 生員徐士楨 徐清熙 馬依仁 尤效

曾 馮遇清 張履端 崔鴻墀 監生朱嘉玉有馮以

渭 李時皆 徐炳鑿 馬履成 李承志 張藍培

杜開科 文章徐純勳 徐錫蕃 徐錫康 戶書張朶

雲 民人顧桂餘有傳朱方毅 朱梅生 盛餘福 查炳

觀 徐昌時 徐浴德 蔣綠卿 顧雲山 周廷華

仇夏觀 沈大綸 沈德彰 凌福昌 馬德稱 吳荆

懷 吾維鈺 倪憲英 褚德聚 張黼卿 許高 許

榮 朱景山 褚裕慶 陳光鑑 徐梅春 徐和森

寄籍民人周海珊安徽人徐石林江甯人黃聚順 以上亦殉

粵匪之難光緒元年採訪未請旌



